

سنہ : ۱

ماہ : ۱۳۳۲

صافی : ۲

دارالافتون

خفون فاہولتہ محمدیہ

حقوق ، سیاسیات ، اقتصادیات

ایک آبدہ برنر انور

## حقوق حرب تدقیقاتی

حقوق بین الدول نقطه نظرندن

تکالیف حربیه صورتیله وضع یداصولی [\*]

ره کبزیبونلرک سببی ولزومی ؛

اوردو، حربیه کیریشمک اوزره تجمع نقطه لرندن حرکت ایتدیکندن اعتباراً، رؤسای عسکریه ایچون ، عسکرک اعاشه یومیه سی مسئله سی پک مهم برشکلده عرض وجودایدیر. واقعا بعض احوالده هرشیدن محروم عساکرک خوارق ابراز ایتدیکنی تاریخلر کوستریور. بالخاصه عثمانلی تاریخی ، الیم محرومیتلر ایچنده فخرآور ظفرلر ، شانلی مدافع لرقید ایدیور . بومثالره دیگر بعض ملتلرک تواریمخنده ده تصادف اولنه بیلیر. فقط بونلر، پک قهرمانانه و بناء علیه مستثنا بعض حادثه لر درکه اوزرینه برقاعده عمومیه قوربلاماز و هر زمان

[\*] بو بحثه عائد مأخذلر :

- آطوان پییه -- Le droit de la guerre — جلد ۲ صحیفه ۳۵ — ۱۵۲  
 عین مؤلف — Les lois actuelles de la guerre — صحیفه ۲۱۵ — ۲۳۵  
 که ل — Précis des lois de la guerre — جلد ۲ — صحیفه ۱۷۵ — ۲۰۶  
 ارنست نیس — Le droit international — جلد ۳ — صحیفه ۳۲۸ : ۲۹۶  
 مهربیاق — Tr. de dr. public int-al — جلد ۳ — صحیفه ۴۲۷ : ۴۵۹  
 پرادیه فوده ده — Tr. de dr. int-l public — جلد ۷ — صحیفه ۱۱۳۰ — ۱۰۷۲  
 پیه دولیه ور — Précis de dr. int-l public — جلد — صحیفه ۱۳۵ — ۳۳۷  
 آلمان ارکان حربیه عمومیه سی تاریخ شعبه سنک (۱۹۰۲) ده نشر ایتدیکی Kriigsbrauch  
 in Landkriege نك (قارپانیه) طرفندن فرانسیزجه ترجمه سی صحیفه ۱۳۵ — ۱۳۹ ایله فرانسه ده  
 مکاتب عسکریه ایچون مرتب ۱۸۹۳ تاریخلی Manuel de dr. in-tl. à l'usage des officiers  
 de Terre صحیفه ۱۲۴ — ۱۲۹  
 فرانسه ده اوردو و ارکان حربیه تاریخ شعبه سنک نظارتی تحتده علم حقوقدن دوقتور ملازم  
 (روبر ژاقومه) طرفندن ۱۹۱۳ ده نشر ایدیلن Les loi de la guerre continentale متن  
 صحیفه ۷۸ — ۸۰ ، اوچنچی لاحقه ۱۰۶ — ۱۱۳ .

بویله اوله جفته بنای امید ایدیه مز . بالعکس قاعده عمومیه بودر که : ای چارپیشمق و برحربك مزاحمه مناسله کوكس گره بيلمك ایچون اوردولر ، منتظماً تغذیه و اعاشه و مکمللاً الباس و اکسایمکن اولدیغی قدر ای ایوا و اباته ایدلمیدرلر . زمانزده کورولدیکی کبی حربیه اعداد ایدیلن اوردولرک افرادی کوندن کونه آرتدجه بوقاعده ، کیت کیده دها میرم و مجبر برماهیت المقدمه در .

بواحتیاجاته نه صورتله چاره ساز اولمق لازم کلیر ؟  
هر اوردو ، آرقه سنده زمان و مکانه کوره دوه و مکاری حیواناتسندن یوک آرابه و اوتوموبیللرینه و ارنجهیه قدر متنوع ، اوزون برارزاق و لوازم قطاری طاشیر . زمانزده هیچ برملت عسکریه یوقدر که سفر برلک باشلادیغی آنده عسکرلرینک استعمالنه تخصیص ایدلمک اوزره آماده هرچشیددن کلی مقدار زاد و ذخیره و لوازم سائره یی هنکام صلحه جمع ایتک اهتمانی آلمسین ! فقط پک محتمل و کثیر الوقوع حادثاتدن اولدیغی اوزره بوقافله لرک مختص اولدقلری قطعانی دائماً پک یقیندن تعقیب ایده مهملری و بولوازمک توکنمک تهلکه سی عرض ایله ملری احتمالی دوشونمک ، اولجه حساب ایدلمه یی و فقط در حال ازاله سی لازم کلن برطاقم احتیاجات ظهور ایتسی حالتی اولدن دریش ایتک ایجاب ایدر . بوکبی احوالده اوردونک سوق و اعاشه سی مسئولیتی طاشیانلر ایچون یالکز بریول آجیق قالیر . اوده کندیلرنده موجود اولمایان ارزاق و لوازمی کچدکری مملکتلرک منابعندن استعاره ایتمکن عبارتدر . یعنی بوتقدیرده رؤسای عسکریه ره کیزلیسون طریقته توسل ایدر . استعمال ایله تأکد و تخصص ایدن بوکله ، مدلولی اولان شیئک نه اولدیغی پک ایی افاده ایتکده در . بوتعیر ، بر اخطار ، بر طلب تضمن ایدر که آنک ترویج و اصفاسندن امتناع ایدیه مز ، زیرا لدی الحاحه استعمال قوتله تأیید ایدیلیر . بوکنا بز « استموال » دیوروز .

استموال اصولی ، جمیع ازمانده تطبیق ایدلش و بونک حقنده پک اسکی بعض قواعد و نظاماته ده تصادف اولونمشدر . ره کیزلیسونلرک کچیردیکی صفحاتی تاریخچه مزه بر اقره رق بوراده شونی ذکر ایده جکزر که اون طقوزنجی عصر واسطنده اصول استموالک تعاملات اقوامدن سیلنه جکی و افرادک شخصی کبی اموالنکده محاربلرک وضع یدندن مصون قاله جنی ذهانی حاصل اولش ایدی . بعض حادثاتده بوظنه قوت ویرر کبی اولش ایسه ده مع الناسف بوخیال پک قیصه برمدت دوام ایله مشدر .

هرملت عساكر موجوده سنك تزايد تدريجيسي ، اوردولرك احتياجاتي ده متناسباً آرتيرديغندن اك مكمل ترتيب وتشكيل ايدلمش خدمات اداريه نك بيله هراحتياجي تطمين ايدميه جكي وقسماً منابع محليه استناد ايتكه همان دائماً مجبوريت كوريله جكي اليوم عموماً قبول اولمقده در . في الحقيقه محاربات اخيره ، استمواللك حالايوك مقياسده اجرا ايدلمكده اولديغني بزه كوستردى . بوكون تشكيلات وتأسيسات عسكريه جمله سنده بواصولك هر زماندن زياده اهميتي واردر .

جريان احوالك براختلاف مسلحي ناقابل اجتناب قيديغني ، عمومي سفربرلك اعلان ايدلديكي دقيقه دن اعتباراً خصمه نسبتله دها آرزمانده دها چوق عسكرى حرب صحنه لرينه ييغمق ، نتيجه قطعيه اوزرنده آز مؤثر برعامل اولماسه كر كدر . بناءً عليه دها مبادى حربده بتون طرق عاديّه وحديدية نك ، بالجمله وسائط نقلية نك سوقيات عسكريه به تخصيص ايدلمسى وبوميانده بيوك كتله لرك تحشد ايتديكي نقاطده اولجه ياييلان حاضر لقلرك كفايت ايدمه ميسى پك ممكندر .

وقتيه فرانسه نك ( سن سير ) مكتب عسكرى سنده قوانين واداره تدريس ايتمش اولان مشاهير محررين عسكرى دن قوماندان ( گول ) ديوركه :

« اوروياده عسكرلكجه حصوله كلن انقلابك برنتيجه ضروريه سى اوله رق محاربات مستقبليه ده ره كيزيسيونلر ، يكي بروسعت آله جقدر . خدمت مجبوريه ومكلفيت عامه اصولى ، اسكي زمانك محدود المقدار عساكرى يرينه پك كثيف انسان كتله لرى اقامه ايتمش وشمندوفرلر ، مخاصماتك كشادني تسريع وغير ملحوظ نقطه لره تحشيدات سريعه يي تسهيل ايله مش اولديغندن اولجه حاضر لائمش انبارلرله ارزاقك ايدميه بيله جكي خدمت ناكافي قاله جقدر . ديكر طرفدن انسانلرك احوال وائقالنى چو غالتمه دن ، حركاته بطائت ويرمه دن ، يوللرده مرور وعبورى تصعيب ايتمه دن كللى مقدار ارزاق ولوازمى اردولرك كنديلريله برلكده طاشيمه لرى ممكن اولاماز . بنا برين سفر آچيلير آچيلماز ، ره كيزيسيونلر ، بالضروره باشليجه برطرز اعاشه وانفاق حاله كله جكدر . » [\*]

پروفسور ( آنطوان پييه ) ده صورتيله سرد مطالعه ايديسيور :

« زمان حاضر اردولرى موجود سفريلرينك كثافتنه نظراً نظام قوللرينك احتياجاتي

[\*] Précis des lois de la guerre جلد ۲ صفحه : ۱۸۰ .

یا لکزر آرقه لرندن کلن ارزاق قافله لری محتویاتیه تطمین ایده بیلیمک کوچدر . اوفاق بر قضا هر هانکی بر حادنه غیر ملحوظه ، بر اردونک هر شیدن محروم قالمسی ایچون کفایت ایده بیلیر . اردونک مقصدینه ایریشمزدن چوق اول ارزاق آرا به لرنده مدخر لوازمی توکمنسی ایچون بر آرزو ونجه بر مصادمه کافیدر .

آلمان مؤلف لرندن حقوق حربیه دائر کوزل بر اثر یازان ( دان Dahn ) ک فکر نجه ، « تاریخ محاربانده هیچ بر سفر یوقدر که آنک امتدادی اثناسنده و طنتدن خیلی اوزاقلاشمش بر اوردونک اعاشه سی ، کندیسيله بر لکده کتیردیکی ارزاق و لوازم ایله ایجابی درجه ده واسع بر طرزده تأمین ایده بیلیمش اولسون .

شو حاله کوره ره کیزیسونلر اورته دن قالمایه جق . فقط اموال خصوصیه نك مصونیتی قاعده جدیده سی بوحقک ماهیتی دکیشدیره جکدر . زمانمزدده استموال ، مطلق ونا محدود بر صلاحیتک سلمه السلام بر تطبیق دکدر . مصونیت حق مشترکنه استثناء قبول ایدیلن بر صلاحیتک استعمالی تماماً معین حدلر داخلنده محصور قالمالیدر .

ذاتاً ، تشکیلات واستحضارات عسکریه سی نه درجه مکمل اولورسه اولسون ، استموال لزومی تسلیم اتمه ین هیچ بر حکومت یوقدر . هر دولت بوبابده قوانین مخصوصه وضع ایله مشدر . بوقانونلردن بعضلری شونلردر :

۱۳ حزران ۱۸۷۳ آلمان ، ۱۱ حزران ۱۸۷۹ آوستریا ، ۲۰ کانون اول ۱۸۹۳ بولغار [ مستقل دکل ایکن ] ۳ تموز ۱۸۷۷ فرانسه ، ۲۴ تشرین اول ۱۸۷۶ روس ، ۱۶ حزران ۱۸۷۶ دانیمارقه ، ۵ نیسان ۱۸۷۸ رومانیا ، ۱۴ اغستوس ۱۸۷۷ بلجیقا ، ۲۴ مارت ۱۸۹۵ اسوج ، ۲۷ تموز ۱۸۹۶ نوروج قانونلری موجوددر .

زده ده تکالیف حربیه اصولی بر نظامه ربط ایدن قوانین نشر ایدلمشدر . بز بومسئله یی یا لکزر حقوق بین الدول نقطه نظرندن مطالعه ایتدی کمزدن کندی اصول قانونیه مزی تدقیق اتمه جکزر .

ره کیزیسونلره متعلق اولمق اوزره نشر ایدیلن مباحوث قوانیندن ، براعتنای مخصوص ایله ترتیب ایدلمش اولان فرانسه قانوننک برنجی ماده سی شویله در :

« اردونک قسماً ویا کاملاً سفر برلکی ویا عساکرک جمعی حالنده حربیه ناظری ، اردونک اعاشه وسائط عادیه سنک نقصاتی اکمال ایچون مقتضی خدمات واشیای تدارک مجبوریتک باشلايه جنی زمانی تعیین ایدر . »

استموالر ، الزمدر ، هر زمانده وهر یرده ضروري کورولشدر . حرب زمانده اولديغي کي صلح زماندهده ايجاب ايدر . زيرا سنین اخيرهده اجرا قلنان مانوره لر ، بعضاً پک کلی مقدار قوتلرک تحشديني استلزام ايدر و بعض جهتلردن ومثلاً عسکرک اباته سي ايچون مانوره ساحه سي جوارنده کي قرا وقصباتده موجود اما کندن استفاده ايديلير . فقط بزجه اصل موضوع بحث ، حرب زمانده کي ره کيزيسونلردر .

مترقي دولتلر ، اوردولريني مدنيتک ايجاباتي واحوال حربيه نك مساعده سي دائره سنده حقوقه رعایتکار برحاله کتيرمک ايچون قوماندان وضابطلرک انظار مطالعه سنه رسماً وضع ايتدکلري مارا نذکر رساله لردهده بومسئله دن برامر ضروري کي بحث ايتمشلر ، وسوء استعماله ميدان ويرميه جک صورتهده قواعد تثبيت وبوکا رعایت ايتيلره عسکري جزاقانوننامه لرنده جزالر تعين ايله مشلردر .

## §

### ره کيزيسونلرک تاريخه بر نظر :

ازمنه قديمهده غالبک مغلوب اوزرنده احراز ايتديکي حق مطلق ، آنک بالمله اموالي ضبط ايتمکي ده انتاج ايليردي . ( چيچرون ) قولجه ضبط اموال ، استيلا اولنان مملکت اهاليسني قتل عام ايتمک صلاحيتک بر نيجه منطقه سي ايدی . چونکه « فضله سني يابه بيلن دها آزينده يابه بيلير » دستوري واردي . اهالينک جاني آلق جائز اولونجه مالي آلق اولويته مباح اولمق لازم کليوردي . حالبوکه بو کون بويه بر ادعا قبول ايديله من . انسان ، مدافعه مشروعه حالنده بر آدمي قتل ايديه بيلير ، فقط آنک مالي غصبه هيچ بر زمان صلاحيتدار اوله ماز .

اوندن باشقه معلومدرکه ره ماليلر ، اشغال حربی يي occupatio bellica يي تصرف و ملکيتک اسکي و اک امين بر منعي کي تلقی ايديلورلردي . بو فکرک اساسی ، اون سکنزنجي عصره قدر پايدار قالدي . دشمن تبعه سنک مالی ، بي محابا ، ضبط ، غارت ، تخريب ايديليردي .

بويه جه محاربات بريدهده اشخاص ، « حربده شدائده تحمل کرک » مالي تضمين ايدن *la guerre nourrit la guerre* دستورينک اياحه ايتديکي عنيف و کيفي معاملاتک تحت *à la guerre comme à la guerre* ، اموال اهالی ايسه « حرب حربی بسلر »

تہدیدندہ قادی . رومالیر، بوصول قاعدہ بی Bellum alit bellum دیہ افادہ ایدرلردی .  
۱۵۹۹دہ (ژان ماریانا) ، (قرال De rege) ، عنوانیلہ مشہور اثرندہ « حکمدارک  
الکهم وظیفہ سی حربک ، کندی کندینی بسلیہ بیلمسنی تأمین ایتکدر » دیوردی وعلاوہ  
ایدیوردی کہ : « مارکوس بورچیوس قانون » ، عصائی تأدیب ایچون اسپانیہ کلدیکی  
وقت کیلیرنی ، فیلوسی غول ممالکنہ یوللادی و لوازم متعہدلیرنک روما اوردوسی  
تعقیب ایتلیرنی منع ایتدی .

محررین عسکرہ ، بو مسئلہ دن بحث ایتدکری زمان بالادہ کی دستوری ، محتاج  
اثبات اولمایان بر حقیقت کی عد و آکا قویاً تمسک ایدرلردی . غایہ حرب ، دشمنک  
بوتون مانع حیات و ثرونی قوروتمقدن عبارت تلقی ایدلمسنہ کورہ اشکال و احوال  
مختلفہ دشمن ضررینہ کینمک و یاشامقودہ بو غایہ یہ موصل وسائطدن معدود ایدی .  
فقط عسکرک صنعک ترقیاتہ و اوردولرک صورت ترکیبہ کورہ اصول دگیشیوردی .  
شویاہ کہ :

باروتک اختراعندن اول حرب آچق و آتی سوق و اداره ایتک بالنسبہ سہل ایدی .  
بو دورک اصول حربی ، مملکتلہ ادامہ مواصلاتہ احتیاج کوسترمیوردی . حرکات  
عسکرہ نک اولجہ معین بر خط حرکت ، بر استقامت تعقیب ایتمی مجبوری حس  
ایدلمہ یوردی . عسکرلر ، شو ویا بو استقامتدہ حرکت ایتکدہ سربست ایدیلر . و اونلر  
ترجیحاً وسائط معیشت بولہ بیلہ جککری مملکتلردن کچورلردی . غالبک استیلا ایتدیکی  
ممالکدن هر صورتلہ انتفاعی مباح کوریلوردی . او یرلردن آلتان شیلرک بر حساب  
و کتابی یوق ایدی . [\*]

ایکنجی فرہدریقک دیدیکی کی « آوارہ اوردولر ، بر مملکتک بتون ماحصلنی بیوب  
بیتیردکن ، اونی خراب ایتدکن صوکرہ دیکرلرینہ کچورلردی . اوردولر ، کوچوک  
واعاشہ لری مصرفلر اولدیقندن حربلر اوزون سوریور ، و قوماندانلر حربی اوزاتمق

[\*] پروفور (ارنت نیس) « حقوق دول » نک اوچنچی جلدندہ ریکزیسیونلرک صفحات  
تاریخیتہ و اوردولرک تشکیلاتی ایلہ مناسباتہ عائد اولان بو معلوماتی Jean de Bloch ک  
آلتی جلد اوزرینہ تألیف ایتدیکی (La guerre) عنوانلی اثر مشہورک بالخاصہ (حرب آیتنک  
تولید ایدہجکی تشوشات اقتصادی و ضایعات مادیه) یہ تخصیص ایلدیکی دردنجی جلدندن (صحیفہ  
۵۰۰) اقتباس ایتکدہدر .

صورتيله كسب ثروت ايدييورلردى بر چوق دولترلر، و مثلاً روماليلر، چوق دفعه كسب ثروت ويسار مقصد يكانه سيله حرب ايتمشلردر. « بو اوزاق زمانلرده اوردولرك احتياجى، بوكونكنه نسبتله چوق بسط ايدى. كرك ازمئه قديمده و كرك قرون وسطاده چاپول، پلاچقه و هر نوع وسائط عرفيه ايله عسكرك معيشتى تأمين ايديلردى. باروتك اختراعى، شرائط سوق الجيشيه ي و ارزاق و مهمات تداركى مسئله سنى باشدن باشه دكيشدردى. اسلحه ناريه استعمالى معاملات حربه بر حركت مطرده وغير منقطعه ماهيتى و يردى. عسكره متادياً مهمات يتيشديرمك لزومى، مملكتله مناسبات و مواصلا تكم ادامه سنى ايجاب ايتدردى. بو ايسه ده ابدائده اوردولر ايچون خيلى مشكلاتى موجب اولدى. تاريخده عساكر اجيره استخدا منه باشلاندينى زمان بو اوردولر هنوز كوچوك ايديلر. زيرا حكومتلر، اونلرك خدمتلىنه مراجعت ايدركن كنديلرينه تخصيصات و يرمىكى تعهد ايديورلردى. حال بوكه دولترك وارداتى، كلى مقدار افراد مسلحه اعاشه سنه مساعد اوله جق قدر زياده دكلدى. بو سببه مبنى اون آلتنجى عصره قدر هر دولته بو يولده نهايت اللى بيك كئى بولونه بيلوردى. بو حال، بالطبع عساكرك اعاشه سنى نقطه نظرندن خيلى سهولت عرض ايديور ايدى.

« كوستا و آدولف »، اوتوز سنه محاربه سى ائشاننده اوردولرك تزويدى [\*] اصولنى تنسيق و اصلاح ايتدى. بو حربك صوكلرينه دوغرو آلمانلرله فرانسزلر واسوچليلر بر آز كئى بر صورتده ره كيزيسيون ياتمغه باشلاديلر. اوتوز سنه محاربه سندن صوكره هر حكومت، اوردوسنك تشكيلاتى اصلاح، طوپچيسى و مكاريلرينى تزويد احتياجى طويدى. بوتشكيلات، آرتق احتياجه توافق ايدمه ين تزويد امورينكده اصلاحى استلزام ايتدى. حركات سوق الجيشيه دن زياده بو مسئله ايله اشغال ايدلدى. اعاشه مسئله سنه برنجى درجه ده اهميت و يزلدى. هر طرفده دپويلر و انبارلر تاسيس اولوندى. عسكره ارزاق و لوازم تدارك ايتك ايچون كوستا و آدولف طرفندن تصور ايديلن

[\*] (زاد) دن مشتق اولان و مرحوم شمس الدين سامى بك طرفندن approvisionnement متابلى اوله رق استعمال ايديلن بو تعبير، مقصودى بك كوزل افاده ايتديكندن اصطلاح اولسى شايان نمى در. بو تعبير لسان عربده ده مانوسدر (الزاد) عاد و زننده آريغه دينر (الازاده) همزه نك كسريله و (الزويد) تفعيل وزننده بر كيسه ي آزيقلىنديرمق معناسنه در. [ قاموس - جلد اول، صيفه : ۶۱۶ ].

اصول، منابع محلیه استناد ایتکه برابر بوباده معقول و معتدل برخط حرکت تعقیب ایدیوردی. قرال، آنجق عساکرینک حوایج روزمره سنی تدارک ایچون بهمه حال لازم اولان شیرلی آلور، شقاوت، معامله کیفیه، جبرو شدت یرینه قانونیت و انتظام اقامه ایدیوردی. او، اوردوسی مراکز ارزاق و مهماتدن کلن مورودات منتظمه ایله اعاشه ایدیوردی. بو اصول، بالآخره بتون اوروپاده قبول ایدلدی. او وقتدن بری حرب زماننده اردولرک کیریلرنده بر صحرا انبارلری خطی تأسیس ایدلدی. [\*]

قاعده، حقیقه تطبیق ایدلدیکی تقدیرده محارب دولت، عسکری انبارلری بالذات املا ایتک لازم کلبوردی. فقط انبارلردن تدارک لوازم اصوله هر زمان عین درجه ده رعایت ایدله میور، بعض شیر پیاسه دن ره کیزلیسون صورتیه آلنور ایدی. بر جوق ممالکده اردونک محتاج اولدیغی شیر بر امتیاز ویا انحصاره مالک متعهدلر طرفدن اعطا ایدیوردی. بر جوق سوء استعمالات، افسادات اولور، بعض مالون و مأمورین، حوایج ضروریه سندن محروم ایدیلن و بونلری نهب و غارت صورتیه بالذات تدارک چاره سنی آرامغه مجبور اولان عساکرک ضررینه کسب ثروت ایده بیلیورلردی.

( غاردهن ) و امالی بعض مؤلفلر، ( ره کیزلیسون ) لرک ( ژورژ واشینگتون ) طرفندن ایجاد ایدلش اولدیغنی ادعا ایدرلر. ره کیزلیسون کله سنک ایلك دفعه واشینگتون طرفندن استعمال ایدلش اولسی ادعاسته بلکه برشی دینه مزه ده بو معامله نك ایلك دفعه اونك طرفندن تطبیق ایدلدیکی ادعا ایتک دوغرو اولماز. واشینگتون، استموالی اولدجه مضبوط بر اصوله ربط ایتشدر. شونی ده اعتراف ایتلی یزکه بو اعتدال، عادتاً ضروری ایدی. ( هانری بونفیس ) ک دیدیکی کبی، واشینگتون، انکلتره حاکمیتدن آیرمق ایستدیکی مملکتک اهالیسی سفیل و پریشان برحاله کتیرمکه ایشه باشلامش اولسه یدی، پک مجریکسز بر دولت آدمی اولوردی. [\*\*]

آمریقا استقلال محاربه سنده ملی اوردونک محروقات و ما کولاتدن محروم اولدیغنی

[\*] تشکیلات عسکریده الیوم ( مدخر ) ( صحرا انبارلری ) ( منزل انبارلری ) ( احتیاط ارازا انبارلری ) ( تجهیزات انبارلری ) . . . کبی مختلف چشیدلری وارسه ده عسکر اولمادیغمز و تخصیصه لزوم کورمدیکمز ایچون بلا تفریق جمله سته انبار دیبوزر. غالباً اصل تکالیف حربیه انبارلرینه ( مدخر ) دیبوزر.

[\*\*] بونفیس ترجمه سی حقوق عمومیه دول - جیل بک . قسم ۵ - صیفه ۲۶۶ .

کورن (ماساچوزت) مجلس ملیسی، مقدار نفوسلرینه وارد و کاهدن درجه بعدلرینه کوره بوموادی تدارک ایتک ایچون (بوستون) دن یکریمی میل مسافیه قدر اولان منطقه ده کائن شهرلره مراجعت ایتدی. بومراجعت برتوصیه شککنده ایدی. مع مافیه بومطلب، عمومیتله شهرلرک بالذات تعیین ایتدکلری انجمنلر ویا آدملر معرفتیه تنفیذ واجرا ایدلدی. عسکرلره ارزاق و لوازم تدارکی ایچون اتخاذ ایدیلن وارضک محصولاتیله متناسب صورتده عیناً اشیا ایسته مکدن عبارت اولان بومعامله حقنده بالذات واشینعتون طرفندن ویریلن حکم بیله اونک علیهنده ایدی. او؛ استموال معامله سنک پک جدی ووخیم ممنونیتسز لکلر تولید ایتدیکنی افاده و بویوزدن جالب اندیشه علامت مخالفت مشاهده ایدیور و بالنتیجه بومعامله نک، - اولسه اولسه - ایکنجی درجه ده کلکی، فرعی وتالی بر صورتده استعمال ایدلمسی لزومی بیان ایلوردی.

زمانمز اوردولری موجود سفیرلرینک پک بویوک مقدارلره بالغ اولسنه و قلاع و استحکامات ایله حدودک منبع کچیدلری و دشمنک دیگر خطوط مدافعه سی اوکنده اوزون توقفلرک ضروری بولونسنه مبنی محاربات مستقبله ده تدارک لوازم مسئله سنک اهمیت عظیمه احراز ایده جکی استدلال ایدلمکده ایدی. (ژان دوبلوخ) دیورکه؛

ماضیده اوردولرک لوازمی تدارک و آنلری سوق و اداره ایتک شو نقطه نظرندن ده نسبتاً قولای ایدی که اوزمانلر اوردولرک موجودلرک چوق دکلدی. برنجی ناپولیون عساکرینی بالذات سوق و اداره ایدیوردی. فقط اونک موجود سفیرسی، زمانمزده کیلره نسبتله پک قلیل ایدی. ایتالیا محاربه سی ائساننده ناپولیونک امری آئنده هیچ بروقت ۴۰,۰۰۰ کشیدن فضله عسکر یوقدی. (بویوک اردو Grande armée) نامی آئنده معروف عساکره کلنجه، بوده آنجق ۱۵۰,۰۰۰ کزیده عسکردن ترکیب ایدیوردی. اوستریلچده ناپولیون، متفقلرک (۸۵,۰۰۰) کشیک اوردوسنه قارش (۷۰,۰۰۰) عسکرله حرب ایتدی. اوزمانک حرب ساحه لری زمانمزده فرقه مانووره لری باییلان اراضی سطحندن ده بویوک دکلدی. عصر اخیر محارباتنده وبالخاصه بویوکنی حرب قیامت انکیزده شرائط جدال، بامباشقه بر شکل ونسبت آملغه برابر شو بمحده کوسترلک ایستلن لزومی ده فضله بر قوتله تأیید ایدیور. شویله که: قارشیلان قوتلر، بیکرله دکل، میلیونلره اولچولور وجهه حربلرک طولی ده اولکنه نسبتله چوق فضله اوزایور.

سريع آتلى طوب و تفكر لك استهلاكات روزمره سي ، مليونلره انسانك مأكولات يوميه سي تأمين اولونمق ايجاب ايدىيور .

اولجه مواصلات، يك اوقدر مهم دكل ايكن عصر اخيرده اوده بيوك براهيت آدى .  
برنجي ناپوليون بركون ( وارشوا ) ده اصول حرب حقنده برجنرالله كوروشوركن  
« معرفت حرب ، معرفت مواصلاتدر » ديمش ايدى . فى الحقيقه هيچ بر اوردو ،  
لوازم و مواصلات خطوطنه مالك اولقمسزين ياشاياماز . اوردو ، استهلاكات دائمه محليدر .  
واصلات براستحصال محلي صاييلاماز . او ، آتشله ، خسته لقله برچوق آدم غائب ايدر .  
اونلرك برنجي آتجق ام الوطندن چكديكي اكال افرادى ، تقويه قطعاتى ايله دولدورور .  
ارزاق وبالخاصه مهماتجه غايت كلى صرفيات اجرا ايدر . ۱۸۱۵ سنه سنه قدر تسليحات  
او طرزده ايدى كه چاقاقلى تفكر ايله قوال طوپلر ايچون قسماً دشمن مملكتنده مهمات  
اعمال اولونه بيلوردى . فقط بوكون مرمى اعمالاتى اوقدر بسيط اولماديغندن مهماتك  
ام الوطنده اعمالى ايجاب ايتكمدهدر . اوندن باشقه حركات عسكريه انكل اولمامق  
ايچون قابل نقل خسته ومجروحلرك ده اصل مملكته دوزور سوق وتخليه ايدلسى اقتضا  
ايدىيور . [\*]

اون يدى وارن سكرنجي عصرلرده سرحدلرده حرب ايدن اوردولر ، كنديلرنى  
تعقيب ايدن انبارلردن متظماً ارزاقلرنى آليورلردى . فقط بو اصولك بالضروره فنا بر  
تأثيرى اوليور . يعنى حركاتى تصعب و تعطيل ايدىيوردي . بو اصول ، انبارلردن  
وسائط نقله ايله وانلرك طاشيه بيله چكلى مأكولات مقدارى و آرابه لرك كيدوب  
كله لرى ايچون ايجاب ايدن زمان ايله متناسب بر مسافه دن اوتيه اوزاقلاشمغه مساعد  
دكلدى .

واقعا بوتشكيلات ، نقيصه دار اولغله برابر اوفى معذور كوستره چك بعض اسباب ده  
واردى . حكومت عسكريه ، خدمت عسكريه دن فرارلرك اوكنى آلمغه وبونك ايچون ده  
افرادك بلاجه مقصديه آواره دولاشمسه محل ويرمه مكه وبوكا امكان ويره چك هر وسيله يى  
تزع ايتكمه مجبور ايدى . برده عسكر جمع وتحريرنده دولتك ده كنديسنه دوشن وظيفه يى  
ايضا ايتسى ايجاب ايله يوردى . فى الحقيقه عسكرى اطاعت و خدمت تعهد ايتسنه قارشى

[\*] آرست نيس ، حقوق دول - جلد ۳ : صفحه ۳۶۰ - جنرال (پهرون) دن نقل .

دولت ده آنلری اعاشه وظیفه سنی اوزرینه آلیور ایدی . بوده محاذیرینه رغماً اصول  
مبحوثه نك دوامنی استلزام ایدیوردی . [\*]

ایکنجی فره دریق ، بواصولک محاذیرینه چاره ساز اولمق اوزره اهالیدن کلی یوک  
آرابه سی طوپلایور ، آرابه لرك قطع ایده جکی مسافه یی آرتیریور ، سیار انبار و آتمکچی  
مفرزه لری تأسیس ایلور و بوجله اوردو ، انبارلردن ایکی یوز کیلومتره ودها زیاده  
اوزاقلاشه بیلوردی . فقط فره دریق انبار اصولندن تماماً آیرلمش اولمادی .  
انقلاب کبیر حادث اولدینی زمان ، اردولرك صورت ترکیبی و اصول حربیه دیکشدی ؛  
سریع حرکات و بناءً علیه یکی بر طرز تزوید لازم کلدی . جمهوریتک احداث ایتدیکی  
اصول ، (قونسولا) و (ایمپراطورلق) دورلرنده کیت کیده فضله وسعت آلدی . بودورده  
تطبیق ایدیلن ره کیزیسیون اصولی شو یولده ایدی . حرب باشلامازدن اول - انشای  
تحشده - و حرکات عسکریه نك مبادیسنده اوردویه ارزاق ولوازم ویرمک اوزره مملکتک  
حدودی اوزرنده dépôts-magasins لر تأسیس ایدلمش ایدی . بالاخره آرقه دن کله جک  
عساکری بسله مک لزومنه و بر رجعت احتماله قارشیده قول باشلرینک بولونقلری  
یرلرده منزل انبارلری احداث اولونیوردی . منزل انبارلری منتظماً اجرا قلنان  
ره کیزیسیونلره املا ایدیلردی . اوردو ، دشمنک دائره حرکاتندن خارجده بولونیورسه  
قوناقلا دینی محله بوله بیلدیکی ارزاق ایله تغذیه ایدیلردی . شاید دشمنه تماسده ایسه  
انباررده مدخر مواد ایله بسله نیردی . اوردوگاه مالزومه سیله برلکده عساکرک برقاج  
کونلک ارزاق و مأکولاتی ده نقل اولونیور ایدی .

دشمن مملکتنه کیرلدیکی زمان اوراسی ، عسکره ارزاق ولوازم یتشدیرمک وظیفه سنی  
حائز برلوازم رئیسنه تابع دوائر و مناطقه تقسیم ایدیلردی . استموالرك مشر اولسی  
واوکامعروض اولان اهالینک فضله بر مئونیستزلکنی دعوت ایتمه سی ایچون اشغال ایدیلن  
مملکتک الک متفذر جالندن مرکب بر استموال قومیسونی تأسیس اولونوردی . اوردونک  
رأس کارنده بولنان ذات ، مقتضی ارزاقک نوع و مقداری و بونلرك حکومه تسلیم ایدلملری  
لازم کلن کون و محلی تعیین ایدیوردی . بواوامرک اجرایی قومیسونه ترتب ایلردی .  
اون سکنجی عصر نهایتده استموال تلقی علمیه دیکشدی ، اوزمانه قدر باشقه  
براساس قبول ایدیلوردی . ره کیزیسیون و قونتریبوسیون ، ظفرک دشمن اموالی اوزرنده

[\*] محترم قوماندان متوفی مشیر فون درغولچ باشا ، ملت مسلحه سنک تشکیلات عسکریه و اصول  
حرب بختنده بوبابده قیمتدار ملاحظات تاریخیه سرد ایدیور .

سریع آتشی طوب و تفنگکرت استهلاکات روزمره سی ، میلیونلره انسانک ما کولات یومیسی تأمین اولونمق ایجاب ایدیور .

اولجه موصلات، پک اوقدر مهم دکل ایکن عصر اخیره اوده بیوک براهیت آدی .  
برنجی ناپولیون برکون ( وارشووا ) ده اصول حرب حقنده برجزالله کوروشورکن « معرفت حرب ، معرفت موصلاتدر » دیمش ایدی . فی الحقیقه هیچ بر اوردو ، لوازم و موصلات خطوطنه مالک اولمقسزین یاشایاماز . اوردو ، استهلاکات دائمه محلیدر . واصلای بر استحصال محلی صایلاماز . او ، آتشله ، خسته لقله برچوق آدم غائب ایدر . اونلرک برینی آتجق ام الوطندن چکدیکی اکیال افرادی ، تقویه قطعاتی ایله دولدورور . ارزاق و بالخاصه مهماتجه غایت کلی صرفیات اجرا ایدر . ۱۸۱۵ سنه سنه قدر تسلیحات او طرزده ایدی که چاقاقلی تفنگکرایله قوال طوبلر ایچون قسماً دشمن مملکتنده مهمات اعمال اولوته بیلوردی . فقط بوکون مرمری اعمالاتی اوقدر بسیط اولمادیغندن مهماتک ام الوطنده اعمالی ایجاب ایتکده در . اوندن باشقه حرکات عسکریه انکل اولمامق ایچون قابل نقل خسته و مجروحلرکده اصل مملکته دوزغرو سوق و تحلیه ایدلمسی اقتضا ایدیور . » [\*]

اون یدی وادن سکنرنجی عصرلرده سرحدلرده حرب ایدن اوردولر ، کندیلرینی تعقیب ایدن انبارلردن متظماً ارزاقلرینی آلیورلردی . فقط بو اصولک بالضروره فنا بر تأثیری اولیور . یعنی حرکاتی تصعب و تعطیل ایدیوردی . بو اصول ، انبارلردن وسائط نقلیه ایله و آنلرک طاشیه بیه جککری ما کولات مقداری و آراهلرک کیدوب کلهلری ایچون ایجاب ایدن زمان ایله متناسب بر مسافه دن اوتیه اوزاقلاشمقه مساعد دکلدی .

واقعا بوتشکیلات ، نقیصه دار اولمغله برابر اونی معذور کوستره جک بعضی اسبابده واردی . حکومت عسکریه ، خدمت عسکریه دن فرارلرک اوکنی آلمغه و بونک ایچونده افرادک پلاجقه مقصدیه آواره دولاشمنه محل و یرمه مک و بوکا امکان و یره جک هر وسیله یی تزع ایتکجه مجبور ایدی . برده عسکر جمع و تحریرنده دولتکده کندیسنه دوشن وظیفه یی ایضا ایتسی ایجاب ایله یوردی . فی الحقیقه عسکرک اطاعت و خدمت تعهد ایتسنه قارشی

[\*] آرست نیس ، حقوق دول - جلد ۳ : صیفه ۳۶۰ - جنرال ( پیهرون ) دن نقل .

دولت ده آنلری اعاشه وظیفه سنی اوزرینه آلیور ایدی . بوده محاذیرینه رغماً اصول  
مبحوثه نك دوامنی استلزام ایدیوردی . [\*]

ایکنجی فره دریق ، بواسولك محاذیرینه چاره ساز اولق اوزره اهالیدن کلی یوك  
آرابه سی طوبلایور ، آرابه لرك قطع ایده جکی مسافه نی آرتیریور ، سیار انبار و اتمکجی  
مفرزه لری تأسیس ایلور و بو وجهله اوردو ، انبارلردن ایکی یوز کیلومتره ودها زیاده  
اوزاقلاشه بیلوردی . فقط فره دریق انبار اصولندن تماماً آیرلش اولمادی .

انقلاب کبیر حادث اولدینی زمان ، اردولرك صورت ترکی و اصول حربیه دیکشدی ؛  
سریع حرکات و بناء علیه یکی بر طرز تزوید لازم کلدی . جمهوریتك احداث ایتدیکی  
اصول ، ( قونسولا ) و ( ایمپراطورلق ) دورلرنده کیت کیده فضله وسعت آلدی . بودورده  
تطبیق ایدیلن ره کیزیسیون اصولی شو یولده ایدی . حرب باشلامازدن اول - اثنای  
تمحشده - و حرکات عسکریه نك مبادیسنده اوردویه ارزاق ولوازم ویرمک اوزره مملکتك  
حدودی اوزرنده dépôts-magasins لر تأسیس ایدلش ایدی . بالاخره آرقه دن کله جک  
عساکری بسله مک لزومه و بر رجعت احتماله قارشیده قول باشلرینک بولونقلری  
یرلرده منزل انبارلری احداث اولونیوردی . منزل انبارلری متطماً اجرا قلنان  
ره کیزیسیونلرله املا ایدیلیردی . اوردو ، دشمنك دائرة حرکاتندن خارجه بولونیورسه  
قوناقلا دینی محله بوله بیلدیکی ارزاق ایله تغذیه ایدیلیردی . شاید دشمنه تماسده ایسه  
انباررده مدخر مواد ایله بسله نیردی . اوردوگاه مالزومه سیله برلکده عساکرك برقاچ  
کونلک ارزاق و مأکولاتی ده نقل اولونیور ایدی .

دشمن مملکته کیرلیدیکی زمان اوراسی ، عسکره ارزاق ولوازم یتشدیرمک وظیفه سنی  
حائز برلوازم رئیسنه تابع دوائر و مناطقه تقسیم ایدیلیردی . استموالارک مشر اولمی  
واوکامعروض اولان اهالینک فضله بر نمونیتسزلکنی دعوت ایتمه سی ایچون اشغال ایدیلن  
مملکتك الک متفذر جالندن مرکب بر استموال قومیسونی تأسیس اولونیوردی . اوردونک  
رأس کارنده بولنان ذات ، مقتضی ارزاقک نوع و مقدارینی و بونلرك حکومه تسلیم ایدیللری  
لازم کلن کون و محلی تعیین ایدیوردی . بواوامرک اجرایی قومیسونه ترتب ایلردی .  
اون سکزنجی عصر نهایتده استموال تلقی علمیمی دیکشدی ، اوزمانه قدر باشقه  
براساس قبول ایدیلیردی . ره کیزیسیون و قونتریسیون ، ظفرک دشمن اموالی اوزرنده  
[\*] محترم قوماندان متوفی مشیر فون درغولچ پاشا ، ملت مسلحه سنک تشکیلات عسکریه و اصول

حرب بختنده بوبابده قیمتدار ملاحظات تاریخیه سرد ایدیور .

بخش ايتدىكى برحقه استاد ايتدىر يلىور، آنلره حرب جزيهسى كېى برماهيت ويرىلىوردى .  
بومطالب عيىنه ويا نقدىه اعطا ويا ايدل كدن صكره غالب، ايدىمك ايتدىكى شيلرك پاره سنى وىروب  
اشترا ايدردى . حالبوكه اوتارىخدن صوكره حقوقون ، اموال خصوصيه نك مصونىتى اساسنه  
استاد ايدىر ك اعلان ايتدىلر كه : بوا ساسه دو قونقمسزىن غالب، بعض احوالده ، خدمات وعيىنآ  
اشيا ويا نقد طلب ايدىر بيلير . فقط بوا صلاحيتده برحد تعين ايتدىلر . وحقى آلان شيلره  
مقابل ىر بدل ويا عوض تأمين و بخش ايتك لزومى مسئله سنى بيله اورته يه چىقاردىلر .  
بونكله برابر حقيقت ، عتف و خشونتى غائب ايتىدى . ماضيدى اولدىغى كېى غالبك  
منفعتى ، بتون تدابير حاكم اولدى . اوردولر سرعت و شدتله حركت ايتمكه مجبور ايدىلر .  
يالكر بوملاحظه ، تعريف اولونماز درجه ده سخت و سرت بر سياستى مشروع قيلمق  
ايچون كافى كورولىوردى .

انقلاب كير دورنده بومسائل حقنده پروغرام خيلى بسيط ايدى . فرانسز اوردولرى ،  
كندى ادعالتجه تخلص ايتدىكلى ممالكده بار حربى اهالى اوزرينه دكل ، امتيازلى صنفلرله  
روحانى جمعيتلره تحمیل ايتك لزومى حس ايلورلردى . بونكله فرانسه نك دشمنى كېى  
تلقى ايدىلنلرى مصاب ايتك ايتىلىوردى . فقط بوكا ديكر طرفدن مقابله بالمثل  
يكيكمىدى . آستريا اوردولرى قوماندانى پرنس قوبورغ ، ۱۷۹۳ ده ( ليه ژ ) ى اشغال  
ايتدىكى زمان شهره ( ۶۰۰,۰۰۰ ) فلورين حرب وىركوسى طرح ايتدى ، بونك قسم  
اعظمى انقلابچىلردن آلدى .

( آساميله زيسلاتيو ) ، ۱۷۹۱ ده ( قوندورسه ) طرفدن قلمه آلان بر دقره ايله  
اعلان ايتدى كه فرانسه ، كندى اوردولرىنك اشغال ايدى جكلرى ممالكك آسوده اهايسنى  
دوست برمات كېى تلقى يعنى مصونيت اموالنه رعايت ايتمكدن كېرى طورمايه جقدى .  
بوتمنى ده موقع فعله چىقمادى .

( قونوانسيون ناسيونال ) طرفدن ترتيب ايدىلن استموال واستيفاي نقد اصولنده ،  
دشمن تبعه سى دكل ، دشمن حكومته قارشى برتديير حرب شكل وماهيتى واردى .  
فقط آز صوكره بوا ساسه دكيشدى و بوتدائير ، يالكر حكمداران و معيتلرى علمنه  
متوجه قالمايوب تعميم ايدلدى .

مطالب عيىنه و نقدىه نك ده غايه سى تبدل ايتدى . مملكتى اشغال ويا استيلا ايدن

عساكر ك احتياجاته مستند و بونلری تطمينه مخصوص اوله رق عیناً و یا نقداً استیفای مطالب ایله اکتفا ایدلمدی . ده‌ها زیاده‌سی‌ده ایستندی . شویله که :

( مونارشی ) دورنده حرب ، یالکز اوردوی اعاشه ایچون بر واسطه دکلدی بلکه ( صورهل ) ک دیدیکی کبی : « خزینه‌ی بسله‌مکه ، محاربات آتییه عائد احتیاجاته چاره‌ساز اولغه بر واسطه ایدی . و l'extraordinaire de guerre اوزمانک مالیوتجه الکامین منابعدن ایدی . بوسیاست بالا آخره تکرار تطبیق ایدلدی . ( سلامت عمومیه قومیه‌سی ) مقرراتی ، اشغال اوردوسنک احتیاجات حالیه‌سندن فضله اولوب بالا آخره فائده بخش اولسی ممکن بولنان ارزاق و ذخائر و اشیا اوزرندن ره‌کیزیسون اجراسنی امر ایدیوردی . آتی ایچون تدارکاتده بولونمی و استحصال ایدیله‌جک شیرلی اوردونک دمدارینه نقل و ایصال ایله مک بو اوامر مقتضیاتندن ایدی . بواصول ، ( پالاتینا ) ممالکی ایچون مخابرات رسمیه‌ده کوزل بر عنوان ایله یاد ایدلدی : « پالاتینانک تخلیه‌سی Evacuation de Palatinat » ! سلامت عمومیه قومیه‌سنک ۱۱ کانون ثانی ۱۷۹۴ [\*] ده‌قره‌سی موجبجه « اهالی مملکته عائد قابل نقل » وهره‌انکی بر فائده تأمینته الویریشلی « هر درله اشیا به » وضع ید ایچون پالاتینایه مأمورین مخصوصه کوندریله‌جک ایدی .

بوصورتله طوپلان‌ه‌جق شیرل ، اردویه دکل بتون جمهوریه عائد ایدی . استموال ، یالکز اوردویه یارایه‌جق شیرله تطبیق اولونیوردی . ایش ، ( ره‌کیزیسون ) ماهیتندن چقیقور ؛ مستولی منفعتنه دشمن تبعه‌سی اموالک تملکنه منجر اولیوردی . بونی لایقيله اثبات ایدن بر حادده‌ده : « پالاتیناده دشمن تبعه‌سندن آلله‌جق شرابلرک پیاسه فئاتی اوزرندن فروختنی » آمر بولنان ۲۶ مارت ۱۷۹۴ تاریخلی قرارنامه‌در .

فرانسز اوردوسی ، اوسنه ( فلوروس ) محاربه‌سنی متعاقب بلجیقایه کیردیکی وبالخاصه ایکی‌سنه صوکره ناپولون ، ایتالیا منابع ثروتندن استفاده ایچون ( روبسیهر ) ک تصور ایتدیکی ایتالیا استیلاسنی موقع فعله چیقاردینی زمان تکالیف عینیه و نقدیه خصوصنده پک مفرط برخط حرکت تعقیب ایدلدی ولسان رسمی ایله بواسفارک کافی درجه‌ده حاصلات ویرمسی ، « assez rendante » اولسی طلب اولوندی . اوصورتده که روحانی سرابلرک مطبخ طاقلرینه وارنجه‌یه قدر یاغما و افراددن آنان اشیا ی منهوبه آچیقندن آجیغه مزاد

[\*] بالا آخره ترك ایدیلن سنه جمهوریه تاریخلری برینه میلادیسی قوالانلشددر .

ایدلدی. وألحق بونی یاپانلر، ناموس عسکرلیری غائب ایتدیلر. چونکه آلتان شیلر، اوردونک احتیاجاتندن ایسه نیچون صابیلور، احتیاجاتندن دکل ایسه نیچون آلینیور ایدی؟ ناپولیون سیاست حربیه سنک خصوصیتلرندن بریسی ده trésor de guerre اصولی احیا ایله مسی اولمشدر. بوخزینۀ حربیه، حکومت اجنیه یه طرح ایدیلن تکالیف حاصلاتندن ترکیب ایدیوردی. ایمپراطور بونی، «مالکانه فوق العاده Domaine extraordinaire» دیه یاد ایدیوردی. بو، خصوصی بر وزنۀ ایدی که ایلک سرمایه لری ویا نه تک ضبطدن صوکره پره سبورغ معاهده سندن متحصل (۶۰) میلیون فرانک بر قسمله وجوده کیش ایدی. (۱۸۱۱) ده بوخزینۀ ده موجود نقد (۲۰۰) میلیون فرانکی کیش ایدی.

۱۸۰۶ و ۱۸۰۷ ده پروسیا، مملکتی اشغال ایدن فرانسز عساکرینک معاشاتی مصر قیله آنلرک اعاشه سی مصرفه تحمل ایدیوردی. بومصرف، (۱۳۵) میلیون فرانغه واردی. (۱۸۰۹) ده آوستریا یه قارشی محاربه ائسانده ناپولیون ویا نه ایله بعض ولایتلره قیامه مانع اوله جق ومنتظماً تکالیف استیفا ایله جک قدر فرانسز عسکری اقامه ایتدی. برآز صوکره ایمپراطور برده قره اصدار ایدره ک، ایتالیا و دالماسیا ورن اوردولرینک معاش وارزاق خصوصندۀ آلتی آی مدت فرانسز خزینۀ مالیه سنه بار اولماسی ایجاب ایتدیکنی اعلان ایتدی. دشمن حسابنه یاشامق امکانه عاقد حسابلر، پورتکیز واسپانیا سفلرنده یک دوغرو چیقما دی.

روسیه سفردن برقاچ آی اول ناپولیون، خزینۀ ناظرینۀ کندیسینی بوسفره سوق ایدن اسبابی شو صورتله ایضاح ایدیوردی: «یکی بر حرب آچمه مجبور اولیشم، شهسز بویوک بر منفعت سیاسیه دن منبعث اولمقله برابر امور مالیه مزکده منفعتی ایچون، وخزینۀ مزک بعض علائم مضایقه کوسترمسندن ناشی اختیار ایدیلیور. بن اونلری حرب ایله دوزلتش دکلیم؟ روما دنیانک ثروتلیری حرب ایله فتح ایتهدیمی؟»

شهسز که بوقطۀ نظر، ره کیزیسون وقوتربوسیون حقندۀ ده اول مشهود اولان اثر ترقی بی اطفا ایدره جک ماهیتده ایدی.

۱۸۱۴ سنه سی مبادیسنده آلتی یوز بیک کیشیک متفقین اوردوسی فرانسز طوپراغنه داخل اولدی. بیاتنامار اصدار ایدلدی. متفقلر، بویوک وقوی قالمسینی ایستدکلری فرانسه یه دکل، ایمپراطوره وآنک اروپا ایچون بر فلاکت اولان تحکمنه قارشی حرب

ایتدکلرینی اعلان ایدیوردی . ۱۸۱۳ ده قالیش وتوبلیچده منعقد مساوله لر، فرانسه یه کیرمزدن اول اوردولرک اعاشه خصوصنده تابع اوله جقلری اصول وقواعدی تعیین ایتیش ایدی . رهن آشیلنجه باش قوماندان پرنس دو (شوارزنبرغ) مشترک برلوازم عمومیه دائره سی intendance générale تأسیس ایتدی . بونک چاره ساز اولامادیغی احوالده قول اوردو قوماندانلری، مقابلنده مقبوض اعطاسی شرطیه ره کیزیسون اجرا ایتک حقه مالک اوله جقدی . بومقبوضر بالاخره اهالی طرفدن لوازم دائره سنه اراز ایدیه جکدی . استیلازده مملکت زنکین ایدی . افرادی خیلی کثیر بر اوردوی بسله یه بیلیدی . مع هذا سوء استعمالات وکیفی معاملات میدان ویرمه مک ایستیوردی . بیانات رسمیه، عدل ونصفت وعد ایتدی .

فقط مسئولیلر، پک چوق مشکلاته معروض قالدیلر . چونکه ناپولیون، استیلاولتان ایالات مأمورین ملکیه سنه، اراضی بی اهالیدن عاری اوله رق دشمنه براقلرینی وبومکن اولامادیغی تقدیرده هیچ اولمازسه مرفه عائله لری مملکتدن مفارقه مجبور ایلرینی واداره محلیه یه، بالخاصه تزوید واعاشیه عائد اوراق ومخبراتی چکیلرکن برابر آلمارینی مأمورینه امرایتیش ایدی . اهالی بی قیامه دعوت ایچون استیلاولتان ایالاته وهم حدودیرلره اعیاندن اوتوزذات کوندرلش ایدی . بوکا فارشی عسا کر متفقہ نک خط حرکتی، دولتر نامنه ویریلان تأمیناته تقابل ایده مدی . اداره جدید، استیلازده مملکته تحملی فوقده وهر درلونسبت خارجنده مطالب عینیه ونقدیه وبدنیه درمیان وتنفیذ ایتدی . فضله اولارق ۱۸۱۳ ویرکی بقایاسیه سنه جاریه تقاسیطی دخی استیفا ایددی . متفقلر پارس اوزرینه یورورکن اوردوی تعقیب ایدن بتون نقلیه لری کیرولره اعاده ایتدیلر . اوردولر مملکته بولدقلریله کچدیلر . پارس قربنده بیله محرومیتلر وخلی زحمتلر چکدیلر . متفق اوردولرک هر برقولنه بر منطقه تخصیص ایددی . ضابطان، محافظه آلتده قصبه لره ارزاق آرامغه کیتدیلر . وبولدقلرینی آلدیلر .

اون طقوزنجی عصر اورته سنده قریم محاربه سنده استموال یاپیلمدی . چونکه وضعیت جغرافیه، احوال وشرائط حربیه بوکا مساعد دکلدی . ایتالیا ومکسیقا محاربه لرنده فرانسز اردوسی ره کیزیسون معامله سنه توسل ایتدی . انکلیر اردولری مستعمره لره واقع اولان سوقیات عسکریه لرنده مطالب عینیه طرح وتکلیف ایتدیلر . لکن پرنسب نقطه نظرندن بوندن بر نتیجه چیقاریله مز . چونکه بوقیل محارباتک جریان ایتدیکی محللر چوق دفعه

بر اوروپای عسکرک اعاشه سی ایچون مقتضی هرشیدن محرومدر . عصر اخیر او اسطنده کی بوقیل بعض محارباده استمواله مراجعت ایدلمه سی موقت وعارضی ، استثنائی بر حال اولوب ۱۸۷۰ حربنده ره کیزیسون اصولی ، بتون وسعت وقوتیه عودت ایتشدرد . بومحاربده امر تزوید واعاشه ، بام باشقه شرائط تحتده عرض وجود ایتدی . ۱۸۷۰ آغستوسنده آلمان اردوسی موجودی ۹۸۲,۰۶۴ عسکر ایله ۲۰۰,۴۰۵ حیوانه بالغ اولدی . بوقوت ، اوچ اردو وبرقاج مفرزقوله انقسام ایتدی . تحشیدات ائناسنده تزوید ، لوازم اداره سنک تربیایله تسویه وایفا ایدلمشدر . قول باشلری ، حدودی آشدقه آرتق پک آز مقدارده ارزاق طاشیورلردی . اوست طرفی دشمن مملکتی اداره ایده جکدی . شوقی ده نظردن دورطوماق لازمکیرکه اوردولرک جبهلری ابکیسی ایچون ۳۰ : ۴۵ واوچنجی ایون ۲۲ : ۲۴ کیلومترک برخط تشکیل ایدیوردی .

آلمان ، فرانسر محاربه سی حقوق دول نقطه نظرندن تدقیق ایله بوباده کوزل بر اثر وجوده کتیرمش اولان [ برنه ] یازیورکه : « استموال اجرا ایدیه جک اراضینک اورتیه سنده بر مدخر تأسیس ایدیلیوردی . بوضورتله طوبلانان اموال تحت محافظه ده اوله رق اوانباره دوغری کیدیوردی . ره کیزیسونلر کنذیلرینه قوت الظهر اوله رق پیاده ترفیق ایدیلن سواریلر طرفدن اداره و اجرا ایدیلیوردی . ایشلر ، دائماً سرعتله یاییلیوردی . لدی الحاجه اخافه وتهدیدده استعمال ایدلدی . ره کیزیسونلرک ساحه تطبیق متحدالمرکز منطقه تقسیم ایدیلوب الک اوزاغندن باشلامق وتعقیب ایدیه جک یول اوزرنده بولان اهالی صیانت ایدلمک صورتیه برمه تود دائره سنده حرکت ایدیلیوردی . بو طرز معامله ، دشمنه تماسده بولان ومملکته یاییلامایان عسکر طرفدن استعمال ایدیلیوردی . پروسیا اردوسی قوماندانلرینک بیاننامه لرنده آلمان شیلره قارشی بر مقبوض تودیعی مجبوریتی وضع اولتیوردی . »

( لورده ) ه کیررکن پروسیا ولی عهدی ، اطمئنان بخش بیاننامه لر اصدار ایتدی . بونلردن برنده دییوردی که : « اوردونک اعاشه سی ایچون فرانسر اهالیسندن کندی نفقه سه تخصیص ایتدیکندن فضله ارزاقی ایستیورم . »

فرانسر طور اغه آباق باصنجه پروسیا قرالی کیوم ، ۱۲ اغستوس ۱۸۷۰ بیاننامه سنده « فرانسر اهالیسه دکل ، فرانسر عسکرینه حرب ایتمکده اولدیغنی واهالینک عسکره

قارشى خصوصتکارانه تشبثاتده بولندجقه جان وماللرندن تماماً امین اولملری لازمکه جکنى اعلان واوردو احتیاجاتى ایچون لزوم کوريله جک ره کیزیسونلری تنظیم واداره وظیفه سنى قول اوردو قوماندانلرینه حواله ایتدی « هر حالده اهلیدن عساکرک اعاشه منه الزم اولاندن ماعدا برشى آلتیه جق وهر آلتان شی ایچون رسمی مقبوضلر ویريله جک » دینوردی . فقط بالاخره مطالب نقدیه یاپه رق بوسایه ده الده ایدیلان پاره ایله لازم اولان شیرلى صانون آلمق جهتی ترجیح ایدلدى . عسکرک اعاشه سنده قونسروه استعمالی وفرانسز اوردوسنه عائد کلی مقدار ارزاقک ضبطی وره کیزیسونلرله مبیعات اصولی تزوید مسئله سنى تسهیل ایتدی . یالکیز ( لووار ) ره دوغری یورین وکریدن برشى بکله مه مک ، دائماً ایلروله مک وحوایجنى کچدیکی یردن تدارک ایتک مجبوریننده قالان اوردو، اصول موضوعه خارجه جیقمق مجبوریتده قالدی .

۱۸۷۷ عثمانلی - روس حربنده روس اوردوسنک، کیردیکی یرلرده استموال طریقته توسل ایتیه رک پشین پاره ایله مبیعاتده بولندیغی، بوحربی حقوق دول نقطه نظرندن تدقیقاً ( حرب وصاح ) عنوانلی اثری یازان متوفی ( فره دریق دومارتس ) طرفندن بیان ایدلمش ایسه ده بوادعا، قازاقلری بوقدرایجه مدنی کورمهک آلیشماش اولان بزلره علامه مشارالیهک براز یا کیلمش اولسی قناعتی ویریور و بزاجرا آتی کوز اوکنده بولنان بواوردوی قواعده حقوقیه و تعاملات مدنیه خارجنده تلقی ایتکده هیچ برمالغه موجود اولمادیغنه مطمئن بولنیورز .

## §

### حربیه اموال مخصوصیه - ره کیزیسونلرک تعریف و تقسیم

اون سکزنجی عصر اواخرنده ( ژان ژاق روسو ) ، اونودولماغه شایان اولان شو سوزلریله زمان حاضر حقوق حربنک تمللرندن یرینی آتیوردی :

« حربی تشکیل ایدن شی ، افرادک دکل ، شئون وایشانک مناسباتی در . حال حرب علی العاده مناسبات اشخاصدن تولد ایتیموب مناسبات شئون وایشادن انبعاث ایده بیله جکندن خصوصى یعنی بر آدمله بر آدم آره سنده حرب، نه ثابت بر ملکیت موجود اولمایان حال طبیعی ده، نه ده هر شئیک قوانین حکم ونفوذی آلتنده بولوندیغی حال اجتماعی ده موجود اولماز . »

«حرب، فردا به فرد پیونده بر مناسبت دکل، بلکه دولتمرد دولت متوجه بر مناسبت در که برنده افراد آنجه عارضی اولدو بلکه بلکینه خاصم بولنورلر. اولدر، نه انسانه صفید، نه اهل وطن صفید دکل، بلکه عسکر صفید؛ وطنک اعضاسمده اولدقاری ایچونه دکل، بلکه مدافعانمده بولنورلی اعتبارله بلکینه دشمندرلر. «الحاصل، طبیعت و ماهیتلری مختلف شیلر بینده بر مناسبت حقوقه تعیین و تثبیت ایدیه میه چکندن هر دولتک دشمنی، آتی دیگر دولتلر اوله بیلوب انسانلر دکلدر. بواساسلر، غروچوسک قواعدندن ملهم دکلدر. شاعرلرک نفوذینده استناد ایتمز. بلکه طبیعت مصلحتندن، الجای شونندن منبعث وعقل وحکمت اوزرینه مؤسدرلر. [\*]

روصونک بومطالعہ سی وبالخاصه «حرب، دولتن دولت متوجه بر مناسبتدر» دستورینک صحت ومعقولیتنی تسلیم ایتمک ایچون، آند، مشهور «مقاله اجتماعیه» نظریه سی قبول ایتمش اولمغه هیچ لزوم یوقدر. بودستور، محتاج مناقشه اولمایان بارز بر حقیقت احتوا ایدر. بونکله برابر بتون حقوق حربیه حاکم اولان ایکی اساس، یعنی (انسانیت) ایله (ضرورت) بونقطه دهده بر برینی تعدیل واتمام ایتمکده، لازمه انسانیتی حکم ضرورته تألیف لازم کلمکدهدر. مثلاً انکیزلر، روصونک دستورینی رد ایتمه مکله برابر دکنده اموال خصوصیه نک ضبط واغنامدن مصونیتی قاعده سنه یا ناشامه مقدمه وبشریتک منتظر اولدینی بر ترقیه سد چکمکدهدرلر.

کذاک عصر حاضر حقوق حربینک بونجیب دستورینه نظراً محارب دولتلرک تبعه سی (محارببلر Combattants) و (غیر محارببلر non-combattants) دیه ایکیه آیرمق و بر تحیلره قارشی غایه حربی تطمینه و دولتک مرامنی ترویجه خادم هر درلو جبر و شدتی روا کورمکله برابر دیگر لرینی حربک تأثیرات و شدائدندن تماماً وارسته بولوندیرمق ایجاب ایدرکن، فعلیایده چوق دفعه حربک بعض نتایجی غیر محارببلرکده تحمل ایتمسی لازم کلور و بناء علیه هر ایکی صنفک وضعیتلری آره سنده پک صریح و قطعی بر مابینت مشهود اولمایور.

بوسیلله در که آلمانیا ده محارب و غیر محارب تصنیفنه بدل - دها دوغرو اولمق اوزره محارب دولتلر تبعه سنک، (حالت فاعله حرب Etat de guerre actif ده، ویا حالت

[\*] روصو: Contrat social برنجی کتاب، در دنجی فصل

منفعله\* حرب (Etat de guerre passif) ده بولونانلر ديه تفریقي ترجیح ایدلمشدر. [\*]  
چونکه غیر محاربلر ده مخاصاتک تأثیرینه معروضدرلر. فقط بوتأثیرات، محاربلر اوزرنده کی  
کبی و او قدر دوغرودن دوغرویه دکل، دولایسیله در. حرب میدانلرنده کورونلر،  
یالکز عسکرلر در. فقط جدالی ادامه اتمک، حرب دایانق بتون مملکته ترتب ایدر.  
برحرب آچیلدیمی، مملکتک بتون قواسی بونده موفقیتک تأمینه معاونت ایلر. بر فرد  
ایچون هیچ بر منفعت تصور اولونامازکه سلامت دولت منفعت عالیه سنه قارشی ترویج  
ومدافعه سنه چالیشیله بیلجک قدر قیمتی اولسون.

مع هذا بوندن استدلالاً، دشمن غیر متعدی اولان و حربیه اشتراك ایتین اهالینک ده  
طبق دشمن متعدیلر، محاربلر کی حربک بتون احوال واهواله، جبر و شدت لرینه  
سینه کشای مقاومت اولسی لزومنی بر قاعده کلیه اوله رق تقدیم و توصیه ایده میز. بزجه  
غیر محاربلرک ذات و ماللرینک مصونیتی بر قاعده اساسیه، ضرورت حرب ایله آنلردن  
بر خدمت و یا مال و یا نقد طلب و استیفا ایدمسی اوقاعده نک راستناسی در.

اموال خصوصیه نک مصونیتی قاعده سنک، یالکز ایجابات حرب ایله معذر کورولن  
استثنا آتی ده باسلیجه اوج مختلف شکله نمایان اولور. (۱) - بر اوردونک کچدیکی  
اراضیده تسویه احتیاجاته خادم، اوردویه جداً لازم بعض مواد و یا خدماتی اهالیدن  
طلب و استیفا ایتمی؛ (۲) - استیلا اولنان مملکت اهالیدن تکالیف تقدیه اخذ ایله می؛  
(۳) - حرکات عسکریه نک و از جمله انداختک تسهیلی ایچون افراد عائد بعض اماکنی  
و یا اشجاری هدم و تخریب ایتمی.

بومقاله مزده بومسائلدن یالکز برنجیسی مطالعه ایده جکز:  
ره کیزیسیون، بر اوردونک اثنای سفرده محتاج اوله بیلجکی لوازم مختلفه و یا خدمات  
شخصیه بی، اوزرندن کچدیکی ممالک اهالیدن طلب و استیفا ایله می در. شو تعریفه  
کوره ره کیزیسیونلر، یا اموال منقولیه یا خود خدمات بدنیه تعلق ایده بیلرلر. دها  
دوغروسی، موضوعی اعتباریله ایکی قسمه آریله رق (تكاليف عينیه حربیه - réquisi-  
tions réelles) و (تكاليف شخصیه حربیه - réquisitions personnelles) ناملرینی آلرلر.  
بری ضابطانه مخصوص ملخص حقوق دول رساله فرانسویه سی، ره کیزیسیونک تعریفه  
(نقود) کله سنی و بوضورتله ره کیزیسیونک مباحوث ایکی نوعه (تكاليف تقدیه حربیه

[\*] آلمان ارکان حربیه سنک ذکر کی کچن رساله سی - صحیفه ۲ -

(réquisitions pécuniaires) بي ده علاوه ايله ره كيزيسيونلري شخصي ، عيني ، نقدي اولمق اوزره تصنيف ايدييور . ( صحيفه ۱۲۴ )

بونردن شخصيلرايچون prestation ، نقديلرايچون Contribution تعبيرات مخصوصه سي استعمال ايدلمكده اولديغندن على الاطلاق réquisition كله سي ، بونلرك جمله سندن فضله حائر اهيت اولان عيني ومالي تمكليفه ، - تعبيريمزجه - استمواله تخصص ايدييور . [\*]

ره كيزيسيونلرك برده ساحة تطبيق اعتباريله تصنيفي ممكندر . بر حرب ائناسنده عسكر ، كرك كندی منسوب اولديني دولت اولكه سنده حرب ايتسين وكرك دشمن مملكتنده بولونسون ، ره كيزيسيون اجراسي عين صورته الزمدر . هرايكي تقديرده ده وقت وقت عين احتياجلر رونما اولور . وانلرك تطمينده عين مشكلات تحصيل ايده بيلير . يعني هرايكي احتمالده ده ره كيزيسيونلر عين ماهيت وجوبيله عرض وجود ايدر .

بناء عليه ره كيزيسيون مسئله سي ، ( ملي اولكه ده ) ويا ( دشمن اولكه سنده ) اجرا ايدليكنه كوره ايكي نقطه نظر دن تدقيق اولونمغه شايندر . مع هذا هرايكي حالده ده ره كيزيسيون ، عين لزوم و ضرورتك افاده سي ايسه ده بو مكلفيتك بزه دائما عين منظره آلتده عرض وجود ايتيه جكني قيد ايتك لازمدر .

تبعه دن بعض لوازم طلب اولونديني زمان ، اونلرك مطلوب شيلري تسليم ايتك وظيفه سي ، هر وطنداشي ، كندی وطنك دعواسي التزامه مجبور ايدن ده اعمومي بروظيفه دن استنتاج اولنور . حال بوكه اجني بر مملكتده طرح ايديلن ره كيزيسيونلر موضوع بحث اولديني زمان ، عين اسباب مكلفيتي درميان ايتك دوغرو وممكن اولماز . اووقت بو معاملهي ايضاح

[\*] آلمان ارکان حربه سنك حقوق حرب رساله سنده بو مقامده اوچ تعبير قوللائييلور . السنه سائرده موجود اولديني كي ( requisitionen ) كله سندن باشقه ( Inanspruchnahme ) و ( Zwangs-lieferung ) تعبيرلري وار . برنجيسي عمومي بر معناده ، ايكنجيسي لسان عوامده متعمل ، اوچنجيسي ايسه تسليم جبري معناسنه تدارك اشيايه خاسدر : بزه تكاليف عينييه ، نقديه ، بدنييه حربه كي تعبيرات استعمال ايديله بيلير سه ده آشاغيده ايضاح اولنه جفي وجهله ره كيزيسيونلرك ماهيت حقيقه جه تكاليفه تمثيل دوغرو اولمايه جفندن بونلري موافق بولمايورز . ( وضع يد ) تعبير ده مبهمدر ومقصودي ادا ايتز . بزجه عربيده موجود اولماسنه رغما لسانمزه اصطلاح اولان ( استهلاك ) تعبير كي ( تكاليف عينييه ) ايچون ( استموال ) تعبيرني اصطلاح ايتكمده ويا ( ره كيزيسيون ) دييورمكده محذور تصور ايتيورم .

ایچون هر اوردونک لدی الحاحه دشمن ضررینه یا شامغه حق اولدینی قاعده قدیمه سنه مراجعت لازم کلیر . ره کیزیسون معامله سنک منشأنده کی بوفرک ، اهمیتیز دکدر . و فعالیتده ره کیزیسونلری اجرا ایدلکلی مکان و محله کوره تفریق ایدن اولدقجه مهم تخالقات ایله میدان چیقار .

## §

ره کیزیسونلرک اساسی و ماهیت مفروضی

براستموال عسکرینک ماهیت حقوقیه سی نه در؟ بونی، محاربات بریده اموال خصوصیه نک مصنوعیتی اساسی ایله تألیف ایتک نه صورتیه ونه درجهیه ممکندر ؟ بعض مؤلفلر ، ره کیزیسون معامله سی ایله حقوق آرهنده هیچ بر علاقه ویا چاره تألیف بولمازلر . وادعا ایدرلرکه ره کیزیسون حق دیه برحق یوقدر . بونلردن ( قولمت دوسانتهر ) شو صورتیه سرد افکار ایدیور :

« بن بوره کیزیسونلری حقوق خارجه قورم وادعا ایدرم که بومعاملات، هم غیر مشروع ، هم ده تهلکلی اولدقلری ایچون حقوق دولک حقیقی اساسلرینه استناد ایده مز . غیر مشروعدرلر ، زبر حرب، دولت ایله افراد پینده اجرا ایدلر . تهلکه لیدرلر و بزم وظیفه مز اوکا مانع اولمقدر چونکه بو معاملاتک نتیجه سی، حرب بر درجهیه قدررک مشروعیت ویره بیلن مقصد علونک ، غایه سیاسیه نک یرینه بر مقصد کسب وکار ، بر غایه خسیسه اقامه سنه منجر اولور . خلاصه حرب سیاسی بی بر حرب شقاوت حالته قلب ایدر . » ( فونق بره نتانو ) و ( آلبر صورهل ) ده ره کیزیسونک بر ( حق ) اولدینی تصدیق ایدلسه مقابلنده بر ( وظیفه ) ده قبول ایدلک لازم کله چکنه و حالبوکه بالخاصه دشمن اولکهنده ساکن اولانلر ایچون بونی بر وظیفه شکلنده تلقی ممکن اولمادیغه استناد ایدیور ویدیورلرکه :

« دشمنه وسائط ولوازم تدارکنی انسانلره بر وظیفه دیه تحمیل ایده جک هر هانکی بر حقک موجودیتی غیر قابلدر . مسئولینک عیناً ویا نقداً بر طاقم مطالبی یا بدیرمی ، آنجق دها قوتلی اولمندن انبعاث ایدر . بوصلا حیتک باشقه بر اساسی یوقدر . » صرف اخلاق ویا محض عدالت نقطه نظرندن باقیلیرسه بوکی مطالعه لر مسموع اولابیلیر .

فقط بوساحه کچمک ، عقیم بر ایشدر . چونکه حربده مرعی قالمایه جنی بروجہ پشین معلوم قاعده لر وضعنده نه فائده واردر ؛ حقایق احوالی نظر اعتباره آلهرق بر استحاله تدریجیه ایله ترقیات ممکنه یی استحصاله چالیشمق دها موافق اولمازمی ؟ بر اوردونک کندی احتیاجاتی تطمین ایچون ، اشغال ایستیکی مملکتک مذابغه مراجعت ایتمک صلاحیتی مناقشه کوتورمز مسائلدن در . زیرا حق ضرورتدر . اولجه بویله اولدینی کبی ینده بویله در و ایلریدهده بویله اوله جقدر . [\*] گهل دییورکه : « هر نه وقت که مساح انسان کتله لری ، معیشتلرینه مقتضی وسائطدن محروم بولنورلرسه ایلمک حسلری ، او وسائطی کندی اطرافلرنده آرامقدن عبارت اولور . بواحوال استثنایه ایچون بعض قواعد و ضوابط موضوع بولنمازسه هیچ بر قوت بشریه ، حقوق افرادی صیانتیه کافی کله مز . ره کیزیسون حق رؤسای و کربیه ، توسیع طریقله دکل ، تحدید طریقله بخش اولونمشدر . بونکله نه قوتک سوء استعمالی نهده حق قح تطبیق محق کورلمک ایسته نیلمیور . بلکه بر اردو قوماندانی ایچون اقدم وظائف اولان بروجیه نک ایفاسی ساده جه قبول و تصدیق ایدیلیور . »

ره کیزیسون اجراسنی اسکی زمانلرده عسکرلره عائد فرض ایکیلن غیر محدود بر قدرت اخذ و استیقادن قالمش بر عادت کبی تلقی ایدنلر کورولمشدر . از جمله انکیز حقوقیونندن ( حال ) بوفکرده در . فقط بو طرز تلقی مصیب دکلدر . چونکه اوردونک کندی منسوب اولدینی دولت اولکهنده اجراسنه لزوم کوره بیله چکی ره کیزیسونلری محق کورمه امکان براقایور . آندن باشقه بر ملت ، حقنی احقاق ایچون حرب ایدر ، یوقسه اوردولرینک حرکاتندن جرمنعت و ثروت ایچون دکل . دشمن مملکتنده اجرا ایدیله جک ره کیزیسو نلرده بوفکر اساسی و ابتدائی ایله مبیانت عرض ایله مش اولور .

ره کیزیسونی استیفای تکالیف صلاحیتیه مائل بر صلاحیت اداریه کبی تلقی ایتمک ده دوعرو دکلدر ، تکالیفدن فرقی اوله رق ره کیزیسونلرده دائما غیر طبیعی و فوق العاده بر حال واردر . اگر اونلری تکالیفه تمیل ایتمک ایجاب ایته ، دشمن مملکتنده استموال اجراسنه - استیلا invasion حالده جواز ویرلیوب آنجق اشغال occupation حالده جواز ویرلمک اقتضا ایدر . چونکه یالکز اوتقدیرده مظفر اوردو ، اوزرنده یرلشدیکی اراضینک اداره سنی اله آلیر . بالطبع بویله بر تقید و تحدیدشایان قبول دکلدر . ره کیزیسون ،

[\*] قوماندان کهل - ذکر ی کچن اثر - جلد : ۲ صحیفه ۱۸۱ .

کړک اشغال وکړک استیلا حالده عین فرائدی عرض ایتدیکندن بواعتبارله هرايکي احتمال کوره تطبيق واجراسی عین جوازه مقارنندر .

ره کیزیسونلری استیلا ویا اشغال اولنان اراضیده حاکیتک موقه مستولی دولته حکمسندن متولد بر حق کبی عد ایدنلرده یا کیلورلر برامر فعلی اولان اشغال ویا استیلا، حاکیتی - ولو موقه - باشقه بر دولته انتقال ایتدیرمز . بوعومیتله مسلمدر .

بونقطهده حقیقت شودرکه ره کیزیسونلر، ساسکی برتعبیرایله - طبیعت اشپادن، الجای احوال دن تولدايدر « ضرورت حالده حقوق افراد، منفعت عمومیه یه فدا ایدایلر » دستورینک یاخود بزم « ضرر عامی دفع ایچونه ضرر خاص اختیار اولونور » قاعده کلیه سنک مهم بر تطبیقاتی تشکیل ايدر . بوصورتله ره کیزیسونلر ، ( منافع عمومیه ایچون استملاک ) ایله بیوک بر مشابعت عرض ايدر . برنده اولدینی کبی دیگرندهده حد ذاتنده مصون بر حقت استثناء و بر منفعت عامه مبرمه ملاحظه سنه بناء فدا ایدلسی کبی عینی وصف ممیزه تصادف اولونور . بو نظریه یی تأیید ایده جک احوال دن درکه قوانین اساسی ده اموال خصوصیه نك مصونیتی تأمین اولونمغله برابر منافع عمومیه ایچون لزوم حاصل اولدقچه ولدی الحاحه مال صاحبك موافقنه رغماً بدلی مقابلنده استملاک جواز ویرلمکدهدر . حقوق بشر بیاننامه سنده « حق مالکیت، مصون ومقدس اولدیغندن قانوناً متعین بر ضرورت عمومیه ایجاب ایتدیرمدکجه وعادلانه وپشین بر بدل ویرلمدکجه هیچ کیمسه مالندن محروم ایدیله مز . » دینلمشدر .

قودسیوبلک ۵۴۵ نجی ماده سنده « هیچ کیمسه مالی ترک ایتکه مجبور ایدیله مز مکرکه منافع عامه ایچون اوله ومقابلنده محق بر تضمینات ویریله » دینلیور . ره کیزیسونه دائر هر دولته موجود اولان قوانین ده استموالی بونقطه نظر دن جائز کوربیور . الحاصل ( منافع عامه ) و ( تقدیر وتسویه بدل ) شرطیله دولت بر آدمك ملکنی ویا مالی آله بیلور استملاک واستموال ده بوندن عبارتدر .

قانون اساسی عثمانینک ۲۱ نجی ماده سنده دینلیور که :

« هر کس اصولاً متصرف اولدینی مال وملکدن امیندر . منافع عمومیه ایچون لزومی ثابت اولمادقجه وقانونی موجبجه دکر بهاسی پشین ویرلمدکجه کیمسه نك تصرفنده اولان ملک آله ماز . »

ینه قانون اساسیمزک ۲۴ نجی ماده سنده شو صراحت وار :

مصادره و آنغازه و جریمه ممنوعدر . فقط محاربه ائساننده اصولاً تعیین اولنه حق تکالیف واحوال بوندن مستنادر . « دها کوزل یازلمسی ده ممکن اولان بو ماده ده (احوال) گله سنک مدلولی جای سؤال اولمغه برابر باشده (مصادره و . . . ممنوعدر) دینلر کدن صکره بر (فقط) ایله (محاربه ائساننده) . . . (مستنادر) کله لری ممنوعدر دیدیکی شیلرک جوآزینه عطف اولنه ییلیرسه ده (اصولاً تعیین اولنه حق تکالیف) صراحتی و قرائن بویله بر تلقی به غیر مساعددر . بناءً علیه بزده بر آراق بعض جرائدک قولاندیغی کی (مصادره قانونی) دیمک فاحش برخطادر . مشروطی مملکتده بویولده بر مصادره قانونی اولماز . یالکیز مصادره ممنوع ، استملاک واستموال مشروعدر . هرایکیسیده منفعت عامه و معجلاً و یا مؤجلاً تسویه بدل شرطلریله . —

بوماهیت اساسیه ایجه آکلا شیلیرسه موضوعک عرض ایتدیکی مسائل عدیده بی بویوک بر مشکلاته تصادف ایتمکسزین حل ایتمک ممکن اوله جقدر . شمذیلک بواساسدن ره کیزلیسونک ایکی بویوک وصفی انتاج ایله اکتفا ایدهل :

ره کیزلیسون ، بر ضرورت عمومیه دن تولد ایتدیکندن بونوع بر ضرورتک حکم وایجابی وجهله موجودیتی مطلقدر . بناءً علیه هر زرده بویله بر ضرورت مشهود اولورسه استموالک لزومی قبول ایده جکیز . فقط عین زمانده بو معامله ، استثنائی در . زیرا عمومیتله قبول ایدیلن مصونیت اموال خصوصیه اساسه مخالفدر . ضرورتلر ممنوع اولده شیلری مبالغ قیودر ممنوعاتک اباحه سی ایسه بر حال طبیعی و اعتیادی اولماز . انجق غیر طبیعی و عارضی یعنی استثنائی اولور . بناءً علیه هر نه وقت ره کیزلیسون الزم کورولمزسه آنی غیر مشروع عد ورد ایدهرز .

ضرورت ، ره کیزلیسون معامله سه مشروعت بخش ایدر و فقط آکا بر حده تعیین ایلر . زیرا ضرورتلر کندی مضار لر بره تقصیر اولور . آلفاسی ضروری اولمایان شیلر ، آلفازلر و بوحده شدله رعایت ایدلمک لازم کلیر . یوقسه استموال معامله سی آنی تطبیق ایده جک اوردولرک کرک حقوقی ایله و کرک شرف و حیثیتی ایله ناقابل تألیف اغتصاباته تحول ایدر . آنان شیلرک بدلی ده یا فی الحال و یا ایلک حصول امکانه تأدییه ایدلمک لازم کلیر . چونکه اضطرار غیرک حقنی ابطال ایتمز

نتیجه — ره کیزلیسون حقنک اساس بحثنده اک معقول کورونن نظریه ، آنلری اموال خصوصیه نك مصونیتی قاعده سه ایجابات حریدن متولد بر استثنائی کی ایتمکدن عبارتدر .

## ملى اولكده استموال

ره کیزیسون مسئله سنی ، مقاله مزك باشنده سولديکمز کي ، حقوق بين الدول نقطه نظرندن تدقيق ايده جك اولونجه بر اوردونك کندی منسوب اولدینی دولت اولککسندہ اجرا ايده جکی استموال لری صدددن خارج عدايمک پک طبعی در فقط مادام که استموال لرك ساحه تطبیق اعتباريله تصنیفی دولایسیله بوکده کوچوک برایما سبق ایشمدر ، بوبابده مشاهیر علمای حقوقدن پروفیسور ( روسی ) نك تصادف ایدیلن بر مطالعه سنی قید و تذکار ايده بیلیرز . بو ذات دیورکه :

« زمان حربده حکومتلرك مقاولات مخصوصه دائرمنده تاجر ویا متعهدلر طرفندن ویريله جك اشیاءولوازم ایله احتیاجات حربیه لری تطمینہ بذل مقدرت ایله جکری درکاردر فقط بوسائطه دائما مملکتک مدافعه سنه ، اوردونك سلامتیه کافی کمر . اووقت عیناً اشیای لازمه نك اهالیدن اخذ واستیفاسی اصوله مراجعت ایدلیدی کورلمشدر . لکن بومعامله ، یالکمز اونکله مکلف طوتیلان اهالی ایچون دکل ، اوردولر ایچون وبالذات دولت ایچونده مضردر . اهالی ایچون مضردر ، زیرا اونلری مفتور و مأیوس ایدر ، آنلره بیقیم اولور . اوردو ایچون مضردر ، چونکه اوردویه آنجق غیر منتظم ونا کافی وسائط تدارک ایدر . و اوراده عدم انضباطی تسهیل واهالیدهده نوعما برودت حاصل ایلر . دولت ایچونده مضردر ، زیرا او ، ایرکیچ تأدیه ایدر واکثریا آدیغنک قیمتندن فضله ویرر . زیرا استموالده ، مال ویرنلرك لهنه سوء استعمال واقع اولور . استمواله مأمور اولانلر ، فیئات خصوصنده مشکلیسند اولماز و قولای قولای سند تنظیم واعطا ایدرلر [ \* ] . »

بزم فکریمزجه ره کیزیسونلر فائده لی اولدقلری ایچون دکل ، ضروری اولدقلری ایچون تطبیق ایدیلورلر . اوسبيله مفید ویا مضر ، یندهده تطبیق لرنده دوام اولتور . اصل مسئله آنک شروط و اشکالی سوء استعماله میدان ویرمیه جك وجهله تقرر ایتدیر مکده در [ ۱ ]

## §

[ \* ] روسی ، Cours de droit constitutionnel صحیفه : ۲۵۲

[ ۱ ] ره کیزیسونلرك نه کبی ماده تعلق ایده بيله جکی ، سوء استعماله میدان ویرمه مک ایچون نه کبی اشکال تحتنده تطبیق اولنق لازم کله جکی و نهایت بونلرك قوه تأییدیسی و نتایجی دیگر بر مقاله ده ایضاح ایديله جکدر .

### دشمن مملکتندہ استیصال و سرحدی

بر آوردنک، استیلا ابتدیی مملکتندہ رہ کیزیسون اجرا ایدہ جکی زمان نہ کبی قواعدہ،  
ہاسکی قانونہ اتباع ایتسی لازم کلہ جکی دہا دوعروسہ رہ کیزیسونک حدی مسئلہ سی  
وقبلہ خیلی مناقشات موجب اولمش ایدی . ۱۸۷۴ دہ بروکسلدہ حقوق وعادات حربہ  
برقانون شکلی و برمک ایچون اجتماع ایدن قونفرانسدہ بوخصوصدہ باشلیجہ اوچ نظریہ  
اورتہ آیلدی . آلآن حقوقون بووچ اساس بپندہ متردددر :

(۱) روس تکلیفہ نظرأ دشمن مملکتندہ اجرا ایدیلہ جک استموالر ایچون  
اوملکتک کندی قانونی دستورحرکت اتخاذایمک مناسب ایدی . فقط بواساسک استیلااولان  
مملکت قوانینی ساکت اولدینی تقدیردہ برقاعدہ عملیہ ویرمہ مکدہ اولدینی تنقیدایدیدی .  
اوندن باشقہ دشمن مملکت رہ کیزیسون قانونہ کرکی کبی وقوفدہ ہرزمان سہل دکلدی .  
(۲) اسویجرہ مرخصی میرآلای (ہامر) طرفندن واقع اولان تکلیفہ کورہ  
اوردو ، کندی مملکتندہ رہ کیزیسون خصوصندہ نہ کبی قوانین وقواعدہ اتباع ایدیورسہ  
دشمن مملکتندہ اوکا توفیق معاملہ ایتک ایجاب ایدیوردی . زیردہ ایضاح ایدیلہ جکی  
وجہلہ برآوردونک کندی مملکتندہ وبادشمن اولکہ - ندہ حرکات عسکریہ اجرا ایتکدہ  
اولمنہ کورہ احتیاجاتی بربرینہ بکزمہ میہ بیلہ جکندن بواساسدہ قبول عامیہ اقتران ایتدی .  
ضابطانہ مخصوص فرانسز تلخیص حقوق دولی، (روبر ژاقومہ) نک کتابی وپروفیسور  
(آنپانیہ) بونظریہ طرفداردرلر .

(۳) آلمان مرخصی جنرال (فوواغت رتج Voigts-Rhetz) ایسہ دشمن مملکتندہ  
اجرا ایدیلہ جک رہ کیزیسونلردہ آوردونک نہ ملی قانونہ، نہ دہ محلی قانونہ رعایتہ مجبور  
اولمایوب یالکتر ضرورت حربک استلزام ایتدیکی طرز ووسعتدہ رہ کیزیسون اجرا ایدہ بیللمسی  
معقول اولہ جفی رأیندہ ایدی . بو اصولکدہ پک اولچوسز ، غیر واضح و سوء استعمالہ  
خیلی مساعد اولمسی، باعث تنقید اولدی . پروفیسور (مہریناق) بوصوک رأیہ طرفداردر .  
بووچ اساسدن باشقہ ینہ بروکسل قونفرانسدہ (پہیبا) مرخصی (لانسبرک) دشمن  
اوردوسنک حقوقنی تعاملاً جائز اولان رہ کیزیسونلرہ حصر ایتک تکلیفندہ بولوندی .  
بلیچقا مرخصی (لامبرمون) محاربلردن ہر برینک کندی احتیاجاتی کندی تأمین ایتسنک  
واستموال ایتدیکی شیلری تقدأ ویا کندی طرفندن قابل تأدیہ بونولرلہ تسویہ ایلہ مسنک  
قبول ایدلمسی تکلیفہ قدر کتیدی . مناقشہ حرارت پیدا ایتدی .

نهایت قونفرانس، ره کیزیسونلری استیلا اولنان مملکت قانون محلیسی و یامستولی اوردونک قانون ملیسی و یا خود یالکز ضرورت حرب ایله معین حدلر داخلنده اجرا ایتمکدن عبارت اوچ فکر اساسیدن اوچنجیسی ترجیح و قبول ایتدی .

حقوق دول آنستیتوسی دخی حقوق حرب ایچون مشهور (Manuel d'Oxford) ی وجود کترین ۱۸۸۰ اجتماعنده بوضوکه نقطه نظری تأیید و آکا اشتراک ایله مشدی .

بوملاحظه نک وضوح و قطعیتدن محروم بولمق و اموال خصوصیه رعایت اساسی هیچه ایندیرمک محذوری عرض ایتدیکی ادعا ایدلمشدر . لکن تحریرسندن بر ثمره حاصل اولمایاندها صاغلام بر اساسک فقدانی حسیله بونظریه بی قبوله مجبوری و اورددر . فی الحقیقه ره کیزیسونی ، معذور کوستره جک برشی و ارسه ، اوده آنجق ضرورت حربدر . بوضورنی انسانی و شایان قبول بر طرزده نایق و تفسیر ایتک آنی اجرا ایله جک اولانه دانددر . ایشه بو نقطه نظره استناد ادرکه ره کیزیسونی ، اشغال اوردوسنک حقیق و مبهم صورته محتاج اولدینی شیلره حصر و تحدید ایتک شرطیه شایان قبول کورمک ممکن اولور . اشغال اوردوسنک احتیاجاتی ، زمان و مکانه ، ظروف و احوال و ماهیت اشغاله کوره متحول اولدیغندن اهالیدن عیناً استیفا ایدیلجهک اشیا ، تعداد و تثبته صیغماز .

استموالر حقنده مختلف دولتلر طرفندن نشر ایدیلن و بالاده ذکر ی کچن قوانین ، او دولت اولککه سنده اجرا ایدیلجهک کله تعلق ایدر . مع هذا اونلری حرب زماننده استیلا ایدیلن محللرده اتباع ایدیلجهک خط حرکتیه اساس اتخاذا ایتمکده ممکن در . فقط شوکا ایجه وقت اولونمالدرکه بوقوانین ، آنی کندی تبعه سی ایچون اصدار ایدن دولت اوردوسی بر مجبوری قطعیه آلتنده بولوندرماز . مستولینک رهبری ، ضرورت و الجآت حربدر . باشقه درلو اولاماز . زیرا بر دولت ، اکثریا مخاصمات ایله ظهور ایدن حادثات غیر ملحوظیه قارشی - ولو کندینکیکی دخی اولسه - ده اول موجود برره کیزیسون قانونیه مکلف اولاماز . واقعا چوق دفعه فعلیاتده اشغال ایدنک قانونی کفایت ایدر . مستولی کندی تبعه سی حقنده مناسب کوردیکی احکامی کندیلکندن دشمن مملکتنده تطبیق ایدر .

فقط اشغالک مشکلاتی ، اقالیم و مواقع و احوالک فرقی ، اوردونک کندی منسوب اولدینی دولت اولککه سنده موجود اولمایان احتیاجات تولید ایده بیلیر . استیلا اوردولری ، کیردکلری مملکتده سوق ایجابات ایله کندی وطنلرنده کی کبی حرکت ایتزلر . بوراده

موضوع بحث اولان نقطہ ، بوابکی احتمالدن برندہ دیگرینہ نسبتہ دہا راحت و کنیش یاشامق ، یاخود کندی مملکتندہ و یادشمن اولککسندہ بولوندیقنہ کورہ آزویا چوق طلبکار اولوق مسئلہ سی دکل ، بر فرضیہ کورہ کافی اولان شیئک دیگر فرضیہ کورہ کافی اولامسی قضیہ سی در .

قرائن (مانوئل) ی و بعض اوامر و مقررات رسمیہ سی ، اوردونک ملی اولککدہ اجرا ایدہ جکی رہ کیزیسونلر حقندہ کنیدیسنہ چیزلمش اولان خط حرکتی دشمن مملکتندہ دہ تطبیق ایدہ جکنی بیان ایدر . پروفیسور (پی یه) دہ برآیہ طرفداردر . مع مافیہ بواساسہ کرک حکومت و کرک مؤلفلر بعض استثنالر قبول ایدر . واشغال ایدن دولت احکام قانونیہ سنک بعض دفعہ ایجابات حربیہ قارشیسندہ عملدن اسقاط ایدلمسی جوازینی تسلیم ایلرلر . مثلاً :

۱۸۷۷ قانونی ، بعض اشخاصہ وازجلہ اموال عمومیہ یه واضع اید محاسب مسئوللر ایلہ طوللر ، یا لکزیاشایان قیزلرونسوان جمعیتلرینہ ابائتہ عسکریہ مکلفیتدن معافیت بخش ایتشددر . بومعافیتلرک دشمن اولککسندہ دہ ادامہ سی مشکل اولہ بیلیر و قوماندان لدی الحاجہ بوا حکامک تعطیل تطبیقندہ تردد ایتمز . . . مملکت داخلندہ کی رہ کیزیسونلردہ ممکن مرتبہ صیانت ایدلمسی ملزم و الزم اولان تبعہ مملکت موضوع بحث اولدیغندن و باخصوص اوصردہ دہ اوردولر ، هنوزال سورولمہ مش ارزاق ولوازم عسکریہ نک یانی باشندہ بولوندقلرندن قوانین داخلہ ، رہ کیزیسون حقنہ اولہ قیود و شروط وضع ایتشددر کہ اکثریا بونلرک مملکت اجزیہ دہ تطبیق ممکن اولماز .

دیگر طرفدن مسئولی اوردونک ، مثلاً طرق عسکریہ ، استحکامات انشاسی کچی کندی مملکتندہ اہالیدن بکلیہ بیلہ جکی بعض خدمات وازدرکہ اونی دشمن مملکتی اہالیسنندن بکلیہ من . اودہ ، خصمی علیہندہ کی حرکات حربیہ یه اشتراکی تضمن ایدن افعال و معاملاتدر . بویلہ بر فعل و خدمتی بر اوردو ، کندی ملتداشلرندن ایستہ بیلسدہ استیلا ایتدیکی یردہ ساکن و کنیدیسنہ طالع حرب یاور اولمایان دولت متبوعہ سنہ قلاً صادق قالان اہالیدن ایستہ من . ایستہ بر اوردونک کندی قانونی دشمن مملکتندہ علی الاطلاق تطبیق ایدہ مہمسی بوسیلرندن منبتدر .

اشغال اردوسی ، ایجاب حادثاتلہ کندی قانونی بیلہ تطبیق ایتہ مکہ مجبور اولورسہ

اشغال اولنان مملكت قانوننه قارشى ده اولوجهله حركت ايدى جكي بالا اولويه ثابت اولور . مستولينك، كندى سلامتى اقتضا ايتدير دجكه، اوزرنده بولوندينى محل قانوتى نظر اعتباره آلامسنه قوانين حرب جواز ويرمكده اولديغندن (لاهي نظامنامه سى ۴۳)، اوردوسنك حقيقى و عاجل بر احتياج ايله محتاج اولدينى اموالك ره كيزيسيونى بحثنده ده بويله اولمق لازم كله جكنه حكم ايتمى طيعيدر .

خلاصه عملى بر طرزده حركت ايتمك و صرف نظريه ساحه سنده قالماق ايسته نيلىرسه، كرك اشغال ايدى نك، كرك اولكهسى اشغال اولونانك قوانينندن مستبط هيچ بر قاعده متقدمه وضع ايتمكسزى اشغال اوردوسنك احتياجندن باشقه بر قانونه تابع اولماق جهتى التزام اولونور . ۱۸۷۴ بروكسل قونفرانسده رجحان احراز ايدن بوراى، عقل والحاي وقايعه مطابق اولمقله برابر ۱۸۹۹ دن اول بعض مشكلاتى موجب اوله بيليردى . فى الحقيقه بومسئله حقنده واجب الرعايه هيچ بر متن موجود دكلدى . اهاليدن طلب ايديله جك خدمات وتكاليفى، « عموميتله مسلم اولان ايجابات حربيه -nécessités de guerre générale- » رalement reconnues يه حصر وقصر ايدن بروكسل پروژده سنك ۴۰ نجى ماده سى، ساده نظرى بر اهميتى حائز ايدى .

فقط يوكون لاهى نظامنامه سنك ۵۲ نجى ماده سنك متن صريحى، حل مشكل ايله مكده در . بوماده يه نظراً استيفاي تكاليف عينيه و خدمات، نواحى و اهاليدن آنحق « اشغال اوردوسنك احتياجاتى ايچون pour les besoins de l'armée d'occupation » طلب اولور . بزه قابيرسه بر مطالعه ذاتيه اوله رق بيان ايدى بيليركه : براوردونك دشمن مملكتنده تطبيق ايدى جكي ره كيزيسونلر ايچون نه مبهم وغير متناهى بر ضرورت حرب نظريه سنه صابلا نمق، ونه ده تبعه سنى اسيركه ين بر قانون ملينك بتون قيود و شروطنه صادق قالمق موافق اولاماز . بلكه هرايكى نظريه يى يكدى كيرى تعديل ايدى جك وجهله مزج و تركيب ايتمك و ضرورت حربيه نك حدودى ممكن مرتبه اوردونك قانون مليسى ايله تعيين ويا قانون ملينك ديار اجنيه ده تطبيقى مقتضيات حرب ايله تأليف ايله مك چوق كوچ برشى دكلدر .

ذاتاً دشمن مملكتنده ره كيزيسون ايچون قانون ملي يى تطبيق ايتمك نظريه سنى ترجيح ايدن فرانسز قانونى ايله پروفيسور (پى يه)، بوبابده ضرورتدن متولد بعض استثنال قبول ايتدكلى كى ضرورت حرب نظريه سنى التزام ايدن پروفيسور (مهريناق) ده، ره كيزيسون

شرائطی شرائط اصلیه Conditions de fond و شرائط شکلیه C. de forme اولیٰ اوزرہ ایکہ تقسیم و برنجیلر ایچون ایجابات حرره وایکنجیلر ایچون اوردونک ملی قانوننه اتباع توصیه ایله مک صورته ایکی اساسی تألیف ایله مش اولیورلر . بناءً علیه اختلاف ، او قدر یو یوک دکدر .

§

استمرار الدرك شرائط عمومیه سی

مع مافیه استموال حقنده مسئولینک صلاحیت تقدیریه سی نه درجه واسع تصور ایدیلرسه ایدلرین ، قواعد آتییه رعایت اولونمق لازم کلیر . تشکیلات اجتماعیه نك ابتدائی صفحائی کچر مش و حقوق افرادی تأمینات قویه یه ربط ایتمش ، الحاصل انسانی و مدنی بر حکومت تأسیس ایله مش دولتر ، ره کزسیونلرنده بو اساسات معقوله یه رعایت ایدرلر : (۱) استموالر ، لایه ویا لازم اولان شیلره تعلق ایتیلدر . بناءً علیه احتیاجات عسکریه دن اولمایوب سیقارلر ، لکورلر ، توالر و زینت اشیا سی ، آواتلری ، ایجه شرابلر . . . . کبی سفی بر ماهیتی حائز اموالک طاب و اخذ اولونمسی قطعاً غیر جائزدر .

(۲) استموالر ، حقیقی و مبرم احتیاجات قارشینده بیله معتدل و مملکتک منابع واستطاعتی ایله متناسب اولمالدر . بو اساس ، حقوق مدنیده تفقه حقنده قبول ایدیلر قاعدنی خاطره کتیر مکده در . قوانین داخلیه متلری بونفقہ یی طلب ایدنک احتیاجی و مملکت و مدیون اولانک ثروتی نسبتده تقدیر ایدر . [۵]

(۳) ره کزسیونلر ، اهانک کندی مملکتلری علیهنده کی معاملات خصمانه یه تشریکنی تضمن ایدنک بر ماهیت الماملی در . بوجهت بالخاصه خدمات شخصیه طلب اولوندیغی زمان نظر اعتباره آلمغه شایندر .

[۶] دولته یوقاعده یه اعتراض ایدیلر ، دیو که :

« اضطرار ، ضرورتلر یورغونقلر - کمر ، تهلکه لر ایچنده باشایان عسکر ، مملکتک منابعی ایله متناسب بر درجه دن قضا ایلدیر قاعدده سنه کلر . ایستکه لازم کوردیکی هر شیئی آلین . قدرت بشر فوقده بر فدا کارلری کندیستدن بکلمکه کیسه نك حق یوقدر . » یالکیز اونوتما یلم مولتکه ؛ بر حقوقی دکلدی بز بو وادیده آلمان محررین عسکر یه سندن ( سیاست حرب و عادات حرب - Kriigs-politik und Kriigsgebrauch ) عنوانی اثر معروفک صاحب ( روستو ) ک رأینی مرجع بولورز . بو ان کتابنده دائماً فایک اشغال ایتدیکی ممالک اهلینده قارشی سوبلی liebenswürdig اولغه چالیشمسی توصیه ایدیلر مش .

(۴) استموال ، برحلك الك بيوك قوماندانی ویا آنك مسئولیتی آئنده توکیل اده چی رؤسا وامرای عسکریه طرفندن امر ایدملی در . هله هیچ برزمان افراد ویا کوچوک ضابطانه حقوق ناس اوزرنده بویه واسع برصلاحیت بخش اولوناملی در .

(۵) استموال ، ممکن اولدینی قدر حکومات محلیه به خطاب ایدملی در . کرک اشغال ایدن وکرک اراضی اشغال اولنان دولتك منافی بونی مستلزمدر . بوصورته مطالب عینیه حکومات محلیه نك معاوتی سایه سنده دها ای قبول ودها زیاده توزین ایدیلیر . مطالب مفرطیه قارشى اهالینك منافی آنلر طرفندن مدافعه اولونه بیلیر .

(۶) استموال ، تحریر آوبا امضا اجرا ایدملی وطلب اولنان شیلرک نوع ومقدارینی ده ارايه ايله ملی در . بووجهله لای الحاحه لازم کلنلره قارشى مسئولیت توجیه وامرک اجرا سنده هر درلو سوء استعمال ویا کیفی معامله دن توقی ایدیه بیلیر .

(۷) آخذ طرفندن درحال تأدیة بدل ممکن اولمادیقی تقدیرده بالا خره ویریه بیه چك تضمینات مقدارینی صحیح وسالم اساسلره بنا ایتک مقصدیه بر مقبوض ویرملیدر .

واقعا بوشرائط مطالعه ایدلیکی زمان ، دانش سطحی اربابنك خاطرینه « بونلر ، نظریاتدر . صیقی به کلنجه کیمسه بونلره قولاق آصماز » کی یاوان براعتراض ده وارد اوله بیلیر . فقط عمومیتله مترقی دولتلرک پک آز فرقه بوشرائطی قوانین داخلیه لرینه وضع ، و آکا رعایتی کندی اوردولرینه امر ، وعدم رعایت حالنده بعض جزائر تعیین ايله ملری ، کرک برحکومتک کندی ملتته هر زمان محتاج اوله جنی مطالعه سنه مبنی کندی اولکک سنده ، وکرک اشغال ایدیلان وبلککده الحاقی آرزو اولنان محلك اهالیسنی تعدیات مفرطه ايله بروجه یشین تنفیر ایتمه مک مقصدیه دشمن اولکک سنده ... حقوقاً ، سیاستاً ، اقتصاداً ... بوشرائطی منافع ماده لرینه موافق وبناء علیه واجب الرعايه وممكن التطبيق اولملرندن ایلری کلیرکه بونی قبول ایدن ملتلرک کافه سنی عبثله مشغول ویا پک ساده دل فرض ایتکه عقل ایچون بر طریق موجود اولمادیغندن اعتراض مسرودی غیروارد تلقی ایتک مجبوریتنده یز .

حقوق فاکولته سی حقوق عمومیة دول

مدرسی ومدیری

احمد صلاح الدین

